



सानसेयारि 'बड'सा' खरौरालाइयाव  
स्मानज्यारि जिज्जो लोब्बा थानाय रायथाय, खन्थाय,  
सल', सल'बाथा आरौ दावबायारि थावनि, पार्क  
बाइदिनि स्थायाव लिन्नाय लिन्निबाँ दैशाय ठर!  
सानसेयारि 'बड'सा' खरौरालाइया खेबखानै  
फोखावगोन।

बड'सायाव लिन्नायानि हुबा खालाम,  
'बड'सा' खरौ नोथां, जो बयबो आंगो खालाम।

सानसेयारि बड'सा मावखुलि


माइबं नोगोर, जोहोलाव दैमालु लामा

कक्राझार, बिदिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 25 March, 2024 Kokrajhar, BTC, Assam ★ Vol.- 34, Issue No. 2 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

राइज्यो बेंगिरिआ  
गाबनि फोर्बो हलीनि  
समाव गाहाम  
हामब्लायथि हरदों



गुवाहाटी, 24 मार्च: गाबोन 25  
मार्च, 2024 अक्ट गाबनि फोर्बो  
हली सान। दुलायय हादतनाडे हलि  
फोर्बो फालिनायनि थाखाय बयबो  
साखा-फारा जादों। बे हली  
फोर्बोनि समाव आसामनि राइज्यो  
बेंगिरि गुलाब चान्द काटारियाआ  
राइज्योनि साफ्रोमबो  
(□ 5 बिलाइआव)

# 1 नं कक्राझार बियाब लकसभा बिसायख 'थिनि थाखाय चिरांआव एनडिए जुथाइ हान्जानि मावफारिया मेल एनडिएनि बिजाथि जयन्त बसुमतारिआ कक्राझार बियाबआव 2 लाखनि बांसिन भटनि फारागथियाव देरहागोन: ड० हिमन्त बिश्व शर्मा

काजलगव, 24 मार्च: लकसभा  
बिसायख 'थिनि समाव  
खाथिसिन फेनाय  
हिसाबे दासान्दि, गुबुन गुबुन  
राजखान्थि दोलोफोरा फेगो  
बिसायख 'थियाव गावबा-गाबनि  
बिजाथिखो देरहाहोनांगोनि थाथिजो  
दोलोनि दै देनगिरि आरो  
मावथिफोरखो लानानै बिथांखि  
रससायगसिनो थानाय बायदिनो  
दिनैबो इडपिपिएल, बिजेपि,  
एजिपिनि जुथाइ दोलो एनडिएनि  
मोनसे मावफारिया मेल खुनाय  
जादों। चिरां जिल्लानि



दालिगावआव थानाय रिफाइनारि  
क्लाब काम कमिडनिटि सेन्टार  
(आरसिसिसि, आइअसिएल)आव

फेगो लकसभा बिसायख 'थियाव  
कक्राझार बियाबनि एनडिएनि  
बिजाथिखो देरहाहोनांगोनि थाखाय

खामानि मावनांगो आयदाखो लानानै  
एनडिए जुथाइ दोलोनि दैदेनगिरि  
(□ 5 बिलाइआव)

## आसाम कंग्रेसनि आफादगिरि भुपेन बराआ थाबैनो बिजेपिआव हाबगोन: हिमन्त बिश्व शर्मा

गुवाहाटी, 24 मार्च: आसामनि  
गिबि मन्थि ड० हिमन्त बिश्व  
शर्माआ लकसभा बिसायख 'थिनि  
सिगां-सिगां कंग्रेसनि दैदेनगिरि  
एवा आसाम प्रदेश कंग्रेस  
कमिडिनि आफादगिरि भुपेन



बराआ बिजेपि दोलोआव  
हाबफेगोननि सोमोन्दै बाथ्रा  
बुनायखो बेखेवजेनदों। दिने खौरां  
बिजोनि गेजेरजो गिबि मन्थि ड०  
शर्माआ फोरमायदोंदि, आसाम  
(□ 5 बिलाइआव)

## गोदान गोहो आरो मिजिंथि लानानै सौफैबाय गाबनि फोर्बो हलीआ गाहाइ मन्थि मदिआ हादतनि सुबुंफोरनो हलीनि मुडै गाहाम हामब्लायहरदों

गोदान दिल्ली, 24 मार्च: गाहाइ  
मन्थि नेरुद्र मदिआ हादतनि नौनारि  
सुबुंफोरनिमिम गाबनि फोर्बो  
हलीनि मुडै बयनिमिमबो गाहाम  
हामब्लायनाय हरदों। गाहाइ  
मन्थि आ एक्सयाव पस्ट



खालामनानै बुंहरदोंदि, "हादतनि  
आनि साफ्रोमबो सोद्रोमाफोरनो  
हलीनि गाहाम हामब्लाय हरनाय  
थाबाय। अनज्जायनाय आरो  
खौसेथिनि गाबजो फालिनो लानाय  
बे फोर्बोआ साफ्रोमनिबो जिडयाव  
गोदान गोहो-बोलो आरो गोदान  
थुलुंगाखानाय लानानै फेथों।"  
(□ 5 बिलाइआव)

## खैराबारि दख 'रा एबसुनि गाइसनगिबि आफादगिरि रुंसारि नन्द 'राम बर' नि सारादुखो खुंफुंबाय

बड'सा थान्दै/उदालगुरि, 24  
मार्च: उदालगुरि जिल्लानि सिखव  
थानाय खैराबारि दख 'रा दुलाराइ  
बर' फरायसा आफादनि  
गाइसनगिबि आफादगिरि बि पि ए  
सिनि मोनसे समनि लेखाइ  
आफादगिरि, हारि आरो समाज  
सिबियारी रुंसारि नन्द 'राम बर' नि  
सारादु (बान्द्रा) खौ दिने सानसेनि  
हाबाफारिजो गाबनि आंगो गामि  
खैराबारि देहानपारा  
(बरबालिसिता) आव खैराबारि  
दख 'रा दुलाराइ बर' फरायसा



आफादजो लोगोसे नख 'रनि  
बान्जायनायाव खुंफुंजाबाय।  
माइथायनिफ्राय 1980 माइथायसिम  
खैराबारि दख 'रा दुलाराइ बर'  
मख 'नो गोनादि, 1967  
(□ 5 बिलाइआव)

## हिमाचलनि मन्डीनिफ्राय कंगना रनौत, बरुण गान्धीआ टिकेट मोनाखिसै

गोदान दिल्ली, 24 मार्च:  
बिजेपिआ फेगो लकसभा  
बिसायख 'थिनि थाखाय  
दोलोनि बाथि बिजाथि  
फारिलाइखो दिने फोसावनाय  
जायो। बाथि फारिलाइयाव  
दोलोआ सा 111  
बिजाथिफोरनि मुं थानाय  
फारिलाइखो फोसावयो। दिने  
फोसावनाय बे फारिलाइयाव  
बलोउड फावकुंमि कंगना रनौतनि मुडाबो  
दंफायो। कंगनानो गाबनि नख 'र राइज्यो  
(□ 5 बिलाइआव)



## बारासनी लकसभा बियाबआव गाहाइ मन्थिनि हेंथायै कंग्रेसनि अजय राइआ वादायगोन



डिजिटल ब्युर', 24 मार्च: फेगो  
लकसभा बिसायख 'थिनि थाखाय  
बैथि बिजाथि फारिलाइ  
फोसावनाय कंग्रेस दोलोआ  
बारासनी लकसभा बियाबनि  
थाखाय गाहाइ मन्थिजो वादायनो  
अजय राइखो सायख 'यो।  
मख 'जाथावदि, 2014 आरो 2019  
(□ 5 बिलाइआव)

## बर' आइजो लिरगिरि गौथुमनि 6 थि बोसोरारि जथुम्मा खुंदों

कक्राझार, 24 मार्च: बर' आइजो  
लिगिरि गौथुमनि 6थि बोसोरारि  
जथुम्माखो दिने बड'लेण्ड  
मुलुगसोलोसालि बर' बिफनआव  
सानसेनि मेहेरगोनां हाबाफारिनि  
गेजेरजो खुनाय जायो। 2018  
माइथाइनि 22 मार्चखालि दाजानाय  
बर' आइजो लिगिरि गौथुमनि 6थि  
गायसं सानखो दिने माखासे  
हाबाफारिनि गेजेरजो मेहेरनाडे  
बान्जायनाय जायो। हाबाफारि  
बायदिये फुंबलि 8:30 रिंगायाव  
आफादनि फिफलाखो बिहयो



बर' आइजो लिगिरि गौथुमनि  
आफादगिरि अनजु बसुमतारिया।  
मुंखुंफोरनो बिबार बाउजेनो  
गौथुमनि लेखाइ आफादगिरि मीरा  
(□ 5 बिलाइआव)

## कक्राझार लकसभा बियाबाव एनडिएनि बिजाथिया देरहागोन: जाकिर हुसेइन

कक्राझार, 24 मार्च: खुंनो गोनां  
लकसभा बिसायखनथियाव  
कक्राझार लकसभा बियाबाव  
एनडिएनि बिजाथिखो गोबां भटजो  
देरहा होनो थाखाय जुथाय हान्जानि  
एजिपि दोलोआ जान्नि खाफ्रदों।  
बेनि लोब्बायै कक्राझार जिल्लानि  
सालाकातिआव दिने एजिपि  
दोलोनि जिल्ला मावखुलिखो  
(□ 5 बिलाइआव)



फाहामसालियावबो मुलुगनां टिबि  
सानखो फालिदों। कक्राझार  
आरएनबि सिभिल देहा  
फाहामसालिनि बान्जायनायाव  
दिने मुलुगनां टिबि साननि  
फालिनायनि लोब्बायै कक्राझार  
सहरआव टिबि सांग्राथिनि थाखाय  
मोनसे हान्जा सुरनाय हाबाफारि  
लानाय जादों। बे टिबि सांग्राथि  
हान्जा सुरनाय हाबाफारियाव  
खमैबो सा 300 नि बांसिन  
(□ 5 बिलाइआव)

## दरं-उदालगुरि लक सभा बियाबनि चरसापरि धलपुरआव बिजेपिनि बिसायख 'थि मेल खुंदों

कलाइगाव, 24 मार्च: दरं-  
उदालगुरि लक सभा बियाबनि  
सिडाव थानाय चरसापरि  
धलपुरआव दिने दरं जिल्ला बाइड  
सानखो सेलनि बान्जायनायाव  
बिजेपि दोलोनि मोनसे  
बिसायख 'थि मेल खुनाय जायो।  
दरं जिल्लानि बाइड सानखोनि सेल  
इन-चार्ज इक्रामुल हुसेइनि  
दैदेननायाव खुनाय बे मेलाव भारत  
माला की जै, नेरुद्र मदि की जै,  
परमानन्द राजबंशि की जै बायदि  
स्त 'गानजो बिजेपिनि



हेफाजाबगिरिफोर धलपुर गामिखो  
गोमखां होयो। दरं जिल्लानि बाइड  
सानखोनि सेल इन-चार्ज इक्रामुल  
हुसेइनआ बुडादि, बाइड सानखो  
सुबुंफोरनि फाहामथाय,  
सोलोथाइजो लोगोसे फाफ्रोमबो  
बिथिनि जेनाफोरखो हदतनि गाहाइ  
(□ 5 बिलाइआव)

# बिसायख'थिया फैबाय!!

## नौथाडा वेफोरनि मावाफोर नुदों नामा?

- ✦ सुबुं समाजनि मुगैथाव बिबुंथि
- ✦ जौ/फेग्रा मुवा राननाय
- ✦ सिगिनाय
- ✦ बेसेन नाडै राननाय
- ✦ सम्फथिनि गाज्जि जानाय
- ✦ गावग्रा हाथियार दिन्थिफुंनाय
- ✦ रां राननाय
- ✦ भ'ट होग्राफोरनि रोगाथाय
- ✦ नंखाय खौरां
- ✦ रां होनाय खौरां

वेफोर वायदि जाथायफोरखो  
लाइम रिपट खालाम  
**cVIGIL App**

मोन्नेयावबो मोननो हायो  
**Android & iOS**  
प्लेटफर्मफोर

गाहाय बिसायख'थि मावख'गिरि, आसामजो फोसावजानाय

@ceoassam @ceoassam @ceo\_assam

1950

## कक्राझारआव मुलुगनां टिबि सान फालिदों

कक्राझार, 24 मार्च: दुलायय  
मुलुगनां दिने 24 मार्चखो मुलुगनां  
टिबि सान एवा जक्षा बेराम सान  
महेर फालिनाय बायदिनो 'नौगो जो  
टिबिखो फोजोबनो हायो'  
मोन्थोरखो लानानै कक्राझारनि  
आरएनबि सिभिल देहा

गोबां बिबानि सुरां दंफाजो  
लोगोसे लाकजारि सेभ्रलेट  
ट्रेसरा गारि हमदों



बड'सा थान्दै, बासुगाव, 24  
मार्च: चिरां जिल्लानि भारत-भुटान  
सिमना ओन्सोलनि सैरखाथि हाग्रा  
बारिनिफ्राय सुराडे लाकजारि  
(□ 5 बिलाइआव)

बेंगालुरु एकरप्रेस  
ट्रेननिफ्राय सोमोनांथाव  
महेर सासे सुबुं गोमादों

कक्राझार, 24 मार्च: अखं फारसे  
थानाय बेंगालुरु एकरप्रेस ट्रेनजो  
रडियासिम थोबाय थानाय समावनो  
दरं जिल्लानि सासे सुबुड मैया  
शनिबारखालि सोमोनांथाव महेर  
(□ 5 बिलाइआव)

## सुजुगिरिनि खोलोम

## बिसायख 'थिनि बार

दासान्दि बिसायख 'थिनि सम। जेरेबो-जेरावबो बिसायख 'थिनि बार बारगलानो हमजेन्दो। बयनिबो खुगा खुगा बिसायख 'थिखो लानाने दाजाब-दानख 'सानखान्थि खालामनायनि बाध्रा सावरयनायबो खोनानो मोन्नाय जायो। बिसायख 'थिनि सम फेयोब्ला सुबुफोरनि गेजेराव सोलिफु आरो इयुन राजखान्थियारि थसारिखो लानाने सावरयनाया सरसन्सा बाध्रा। राजखान्थि दोलोनि दैदेनगिरिफोरल 'नड, सांग्रां नोगोरारिफोरनि गेजेरावबो हादतनि, राइज्योनि आरो ओन्सोलनि बाइदिसिना बिथिनि दाबि-दावा, जेना-जेसि, जौगालु हाबाफारि, अन्सायारि बिथोखिफोरखो लानाने सावरयनाय नुनो मोन्नाय जायो। बिसायख 'थिनि सम फेनायलाय बादायनो ओंखारनाय दोलोनि दैदेनगिरि-मदतगिरिफोरखो दानिफ्रायनो जिरायनाय गैथे बिसायख 'थिनि दावहा फोथाराव ओंखारनाय दोलोनि बिजाथिखो देरहासाद खालामनायनि बाइदिसिना हाबाफारिआव नांथाबनाय नुनो मोन्नाय जादोसे।

खुंजानो गोनां 18 थि सुबुं आफादनि बिसायख 'थिखो लानाने खुंथाय हान्जा आरो बेरेखा हान्जानि गेजेराव बाध्रा दाथेलायनाय, सोंखारिलायनाय, देरहानायनि दाबि खालामनाय आरो गोथोयाव फेनायनिफ्राय होबथानायनि सोलोखान्थि बाहायनाने राजखान्थि गेलेनायखोबो नुनो मोन्नाय जायो। माखासे मोब्लिबयारि बिजोफोरनि सिगांग्रो फिथाइ हमदानायनि गेजेरजो दाबिनाय बादिथे-फेगौ 4 जुन अक्टआव बिजेपिनि दैदेनाय एनडिअर सरकार दायोब्ला, अक्ला नरेन्द्र मदिआ सिगांसिन कंग्रेस नडे लान्थियेनो खेबथाम गाहाइ मन्थि जानो हागोन। बेराफसे बे खेबनि बिसायख 'थियाव एनडिअर आ 400 नि बांसिन मासि देरहानायनि टागेट लानाने बाइदिसिना हाबाफारिजो फोसावदिनाय जागायनायखोबो नुनो मोन्नाय जादो। बेनि दोहोया हादतनि खना-खनला जेरावबो गोहोम गोरलैनायखो नुनो मोन्नाय जायो।

राइज्योनि मोन जिब्रे सुबुं आफाद बियाबनि गेजेराव 1 न कक्राझार (एसटि) बियाबआबो दरसे। बे बियाबखो ट्राइबेल बर 'फोरनि थाखाय मोनसे मान गोनां मासि महेरे गनायनाय जायो। मानोना बे बियाबनिफ्राय हादतनि सुबुं आफादयाव सुबुं थान्दे महेरे सायख 'जाहरनाय सोद्रेमानि गेजेरजो ड'थि फारिलाइनि आवथायाव थानाय बिटिआर हालामनि गासैबो बिथिनि मोनो गोनां दाबि-दावा, जेना-अजदफोरखो फोरमायनाने सरकारनि नोजेराव लाबोनायनि लामा मोनो होन्नाय बुंनाय जायो।

थानाय खेबनि सुबुं आफादनि बिसायख 'थि बादिनो 18 थि सुबुं आफादनि बिसायख 'थि 2024 खोबो मोन खि खोलोबजो खुंनानयनि थाखाय साखा-फरा जाबाय। गासै 543 मासिनि थाखाय खुंनो लानाय भट फोबोआ 44 साननि गोलाव सम लानाने खुंजागोन। फोसावनाय समफारि बादिथे गिबि खोलोबया 19 एप्रिलखालि मोन 102 मासिआव खुंजागोन। 26 एप्रिलनि नैथि खोलोबयाव मोन 89 मासियाव भट खुंनाय जागोन। बे रोखोमेनो थामथि खोलोबया 7 मेआव मोन 94 मासियाव, ब्रेथि खोलोबया 13 मेआव मोन 96 मासियाव, 20 मेनि बाथि खोलोबयाव मोन 49 मासियाव, 25 मेनि ड'थि खोलोबयाव मोन 57 मासियाव आरो से जुनआव स्त्रिथि खोलोबनि मोन 57 मासियाव भट फोबो खुंनो फोसावनाय जादो। बे खेबनि सुबुं आफादनि बिसायख 'थियाव 49.72 कौटि हौवा भटसं आरो 47.15 कौटि आइजो भटसंखो लानाने गासै 97 कौटि रेजिस्टर्ड भटसंफोरा भट होगोन।

## दिनेनि फान्जामुथि

## राशि बाइदिये मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)  
कर्कट : ड ह सिंह : म ट कन्या : प ट (ण ष)  
तुला : त र बुश्चिक : ब न धनु : ध भ (ढ फ)  
मकर : ख ज कुम्भ : ग श (स) मीन : द च (ख ज झ)

मेघ: जेखि जाया खामानि मावनायाव हेंथा मोनो हागौ। सांग्रां जानाने मावनांगोन।

वृष: जालु-जालाजो देहाया गेरेबनो हागौ। महर-मुसिआ गोमालानो हागौ। देहाखो सांग्राडै लाखि।

मिथुन: मोजां रंग 'थिनि थाखाय सम्मान मोनो हागोन। फालांगिरि मावग्राया रां खहा जानो हागौ।

कर्कट: बायदिसिना जेनानि थाखाय गोसोखो गोजोन गैथे मोनगोन। गोसो हमथानाने सोलिनांगोन।

सिंह: मोजां रंगसारनि थाखाय बयजोबो सम्मान होजानो मोनगोन। गोजोनै सम बारहोनो हागोन।

कन्या: लोगोनिफ्राय गोबां अन्नाय-हेफाजाब मोनो हागौ। गोसोखो गोजोन मोनगोन।

तुला: गोसो जानाय बायदि रंजा-बाजा खालामनाने समखो हमारहरनो हागोन। मोजां सान।

बुश्चिक: माबाफोर गोरोन्थि हाबा मावफनांबायनो हागौ। मान-सम्मानआ गोमानो हागौ। गोसोखो हमथा।

धनु: जेना-जेसि थानायफोरा जोबसनाय नडा। जिगा सिनांगौआ बालानो हागौ।

मकर: जेखियानो जाया गोथार खामानि मावनाय लानो हागोन। बे राशिनि थाखाय गाहाम सान।

कुम्भ: नख 'र संसार जानायाव गोजोन्नाय गैथे सोमजिनो हागौ। गोसोखो शान्ति गैथे मोनगोन।

मीन: नख 'रनि थाखाय शुभ खामानि मावनाय लानो हागोन। जौगानायखो मोनो हागोन।

## आबकारि गेना-खान्थिखौ इलेक्टरेल बन्डजो सरजाबनाने आम आदमी पार्टीआ बिजेपिनि सायाव गाग्लोबदो

गोदान दिल्ली, 24 मार्च :

आबकारि गेना-खान्थिखौ इलेक्टरेल बन्डजो सरजाबनाने आम आदमी पार्टीआ थानाय शनिबारखालि बिजेपिनि सायाव गाग्लोबफन्दो। आम आदमी पार्टीनि सब्रै गागि दैदेनगिरिफोर लोगोसे प्रेस जथुमा खुनाने दाय जाबसिन्दोदि, आबकारि गेना-खान्थियाव जो रां मोनाखे। बबेखानि बिजेपिआसो मोन्दो। बेयाव दाबि दैखांदोदि, इलेक्टरेल बन्डनिफ्राय बिजेपिया गासै 59 कौटि रंखो बे जौनि फालांगिनिफ्रायनो मोन्दो। जाय शरतचन्द्र रेडडीखो इडिया जौ गेना-खान्थि केसआव ग्रेप्टार खालामदोमोन। बेनि फोरमानआ सोराडव फेबाय होन्ना बिथाड बुंदो। बिथाड दाबि देखांदोदि, बयनिखुइ देरसिन गेना-खान्थिखौ बिजेपिया खालामो।

## पाकिस्तानआ भारतजो फालांगिखौ जागायफिन्तो हास्थायदो



इस्लामाबाद, 24 मार्च : पाकिस्ताननि गुबुन हादतयारि मन्थि मुहम्मद इसाक दरआ भारतजो बेफार-फालांगिनि सोमोन्दोखो सोलिहोलार्फिनायनि सायाव गिदरि बिबुंथि होदो। बिथाड बुंदोदि, पाकिस्तानआ भारतजो फिन फालांगियारि सोमोन्दोखो लाखिलानो थाखाय सावरयगासिनो दडा खौरनि बायदिव्ला ब्रसेल्सआव निउक्विलयार एनाजि सिखर सम्मेलनआव बाहागो लानायनि उनाव पाकिस्ताननि मन्थि महम्मद इसाकआ लन्डनआव मोनसे फ्रेस कन्फ्रेन्सनि समाव बुंदोदि, नोगोर रंखान्थिनि जेनाजो गोखोडे भुगिनायनि पाकिस्तानआ भारतजो फालांगियारि हाबाफारिखो फिन जागायनो गोसो दडा। पाकिस्ताननि फालांगिफोरा भारतजो फालांगिखो फिन फालामफिन्तो हास्थायनायखो फोरमायदो। बे आयदानि सायाव बिथामोनाह गोथैथै नोजेर होदो। मख 'जाथावदि, भारत सरकार आर्टिकल 370 खो बोखारनाय आरो जम्मु-काश्मीरनि जर 'खा बिमुंखो बोखारनायनि उनाव पाकिस्तानआ भारतजो गावनि थान्दैयारि सोमोन्दोखो दावखलायहोदो। मन्थिया बुंवावदोदि, बे थांखिया न 'सुंसे हादतनि गेजेराव सावरयज्जलायनायनि थसारिखो मोजां खालामदो। अदेबानि पाकिस्तानआ बुडेदि, भारतजो सावरयनायनि सिगां सर्थ महेरे भारतआ काश्मीरआव गावनि थांखि लानायखो बोखाना लानांगोन। नाथाय भारतआ पाकिस्ताननि बे बोसोनखो गोखोडे नेवसियो आरो रोखायै जम्मु-काश्मीर, लाहाखआ आबुडे मिरुजो खुंजानाय राइज्यो आरो हादतनि आंगो बाहागो होन्ना बुडे।

## मोन 7 बिलफोरखौ हादतगिरि मुर्मुनि गनायथि मोनैयाव केरेला सरकार अजद लाबोदो

गोदान दिल्ली, 24 मार्च :

केरेला सरकार मोनसे गोखो थांखि आजावनाने राइज्यो बिधान सभानिफ्राय पास जानाय मोनब्रै बिलफोरखो हादतगिरि द्रौपति मुर्मुआ गनायथि होथैनि हेंथायै सुप्रिम कर्टआव थादो। बेफोर बिलफोरव इडनिभासिस्टि एक्ट (सोदानाय) (नाम्बार-2) बिल, 2021, केरेला क-अपारिठिभ ससाइटि (सोदानाय) बिल 2022, इडनिभासिस्टि एक्ट (सोदानाय) बिल, 2022 आरो इडनिभासिस्टि आइन (सोदानाय) (नाम्बार-3) बिल, 2022 आबो दंफायो। माकपानि दैदेनाय एलडिअर सरकार सुप्रिम कर्टआव हादतगिरि मुर्मुआ जाहोन गैथा जसे बेफोर बिलखो गनायथि होथैखो संबिदरि नडे थांखि होना फोसावनो दाबि देखांदो। राइज्यो सरकार मिरु सरकार, हादतगिरिनि नेहाथारि, राइज्योनि राइज्यो बेंगिरि आरिफ महम्मद कार आरो बेनि उफ्रा नेहाथारिखो बे के सआव



आथिखालाव बे बाध्राया रोखा जाबाय। बेनि थाखाय बिजेपिनि माहारियारि आफादगिरिखो हमनांगौ। बिथाड बुंदो, बिजेपिया आइन बानायना होदोमोनदि, जायजो बे केसआ माब्लाबाबो सोराडव फेयाखे। नाथाय सुप्रिम कर्टनि बिथोनाव बिजेपिनि सैथोया सुबुंफोरनि

सिगाडव नुजाथिबाय बे गासै केसआ इलेक्टरेल बन्डजो लोब्बा गोनां। बेखो लानाने आपनि दैदेनगिरि आरो केबिनेट मन्थि अतिशि, सौरभ, भारद्वास, आपनि दैदेनगिरि जास्मिन शाह, प्रियंक। कक्कड़आ

खौरंगिरिफोरजो सावरयनायाव बिजेपिनि सायाव गाग्लोबना बाध्रा बुडे। फासेथिं इडिया बुंगासिनो दडदि, आम आदमी पार्टीआ जौनि गेना-खान्थि खालामदो। नाथाय इडिया 1 रांनिबो लेन-देनखो नुनो

## सा 13 के.सि.पि. ( पि.डब्लिउ.जि. ) बिग्रायारिफोरखौ हमदो, लांखार जानाय सुबुंखो रैखा खालामबाय

इम्फल, 24 मार्च: लकसभा बिसायख 'थिनि सिगां गेदेर जाफुंसारनाय, मणिपुर पुलिसआ मोनसे होबथाजानाय हान्जानि सा 13 सोदोमाफोरखो हमनायजो लोगोसे लांखारजानाय सासे सुबुंखो रैखा खालामो हादो। इम्फल सोनाब जिल्लायवा सिग्रोमनाय समाव बिसोरखो हमनाय जादो। मणिपुर पुलिसआ हायेनआव थानाय मोनसे बिग्रायारि आफादनि थिसन्थाय होनाय हाबाफारिनि सोमोन्दे फोथायथाव सुलुनि बिथायाव नायबिजिरनाने इम्फल सोनाब, थौबाल आरो बिष्णुपुर जिल्लाफोराव मोनसे नागिरसंनय अपारेसन खालामो। बे नागिरसंनय अपारेसनआव आसाम राइफल्स आरो सि.आर.पि.एफ. इडनिटफोराबो बाहागो लादो। मावफुं मेजिस्ट्रेटनि दैदेनाय सान्थिफोरा इम्फल सोनाबनि साहा ओन्सोलआव थानाय मोनने सन्देह गोनां फोरोंथाय बादोफोरखो नोजेर होनाने अपारेसनखो खालामदो। हरखाब गाग्लोबनायनि जाहोनाव मोननैबो बादोफोरखो



फोजोबनाय जायो। आयेन बेरेखा कांगलीपाक कम्पुनिस्ट पार्टीजो सोमोन्दो थानाय सा 13 के डारफोरजो लोगोसे उतखारिफोरजो लांखारजानाय सासे सुबुंखो उदा खालामनाय जादो।

ह म ज न अ य उतखारिफोरा गोदाने थिसन्नायफोरखो फोरोंथाय होनाय, लांखारनाय आरो रां दाबिनाय बायदि आयेन बेरेखा हाबाफोराव लोब्बा दडहोन्नाय पुलिसआ मिथिहोदो। सान्थि हान्जाया उतखारिफोरजो लोगोसे राइफल, पिस्टल, ग्रेनेड, मेगजिन आरो बायदि रोखोमनि राउन्डजो लोगोसे

मोनाखे आरो राडा बिजेपिनायवसो थादो। बेनि फोरमानआ आथिखालाव सोराडव फेबाय। अक्लाबो इडिया मानो बिजेपिनि आफादगिरिखो हमखे। दरसे हादतआवनो मोनने दोलोफोरनि गेजेरजो मानो मोनने आइन सालायगासिनो दड होन्ना बिथामोनाह सोथि दिखांदो। आपआ बुंवावदोदि, शरतचन्द्र रेडडीआ हाइड्राबादनि सासे फालांगिरि, जाय दिल्ली आबकारि नेम-खान्थिनि गेजेरजो जौनि मोनबा रिटेल जननि थाखाय लाइसेन्स मोन्दोमोन। शरतचन्द्र रेडडीनि बिफा अरबिन्दआ फार्मानि बिगोमा, जेराव रेडडीया बिथोनिगिरि। बे स्टर बिजेपि

डनारआ 12 दाननि गेजेराव बिजेपिनो गासै 59.5 कौटि रंनि सान्दा होयो। बिथामोनाह बुंवावदो, 2021 नि सिगां इडिनि थिसन्नाय चार्जिशितनि बायदिव्ला शरतचन्द्र रेडडीआ माखासे कम्पानीफोरनि गेजेरजो दिल्ली आबकारि नेम-खान्थिनि गेजेरजो जौनि मोनबा रिटेल जननि थाखाय लाइसेन्स मोन्दोमोन। इडिया बिखो थानाय 2022 नि 10 नभेम्बरआव ग्रेप्टार खालामदोमोन। सिगाडव बियो बिबानगिरिफोरनो 100 कौटिनि घुस होनायनि बाध्रा फोरमायदोमोन। नाथाय उनाव 2023 नि 26 एप्रिलआव बिनि बिबुंथिया सोलायो। थानाय 2023 नि जुन दानआव रेडडीआ सरकारनि साखि जायो।

## आइएसआइएसयाव हाबनो थानाय आइआइटि फरायसाखो हमनो मोन्दो

गुवाहाटी, 24 मार्च: उतखारि आफाद आइएसआइएसयाव हाबनो थांबाय थानाय आइआइटि गुवाहाटीनि सासे फरायसाखो जिम्मायाव लाबाय। बे फरायसाया गावखो दिल्लीनि अखलानि थागिबि होन्ना फोरमायदो। बे फरायसाखो आइएस इन्डियानि गाहाइ हारिभ फारुकी अर्फ हारिशि अजमल फारुकी आरो बिनि हेफाजाबगिरि अनुराग सिंह उर्फ रेहानखो ग्रेप्टार खालामनायनि उनाव हमनो हायो। पुलिसनि गाहाइ बिथोनिगिरि जिपि सिंहआ एक्सयाव परस्ट खालामोदि, आइएसयाव हाबनो थांबाय थानाय आइआइटि गुवाहाटीनि फरायसाखो बै समाव जिम्मायाव लायो, जेब्ला बियो उतखारि आफादाव हाबनो थाखाय दावबायगासिनो दड 'मोन। बेनि सोमोन्दे एसटिअफनि उफ्रा पुलिस एसपि कल्याण कुमार पाठकआ बुडेदि, मोनसे इमेल मोननायनि उनाव जौं नायबिजिरनायखो



जागायदो। बे इमेलखो फरायसानो दैथाइ हदोमोन। बेयाव बियो आइएसयाव हाबनो थांगसिनो होन्ना दाबि देखांदोमोन। पाठकआ बेनि उनाव आइआइटि गुवाहाटीनि बिबानगिरिफोरजो सोमोन्दो लाखिया होन्ना बुंदो। बिबानगिरिफोरा खौरं होयोदि, बे फरायसायाव थानाय शनिबार सानजौफुनिफ्राय गोमाना दड' आरो बिनि मबाइल फनआबो बन्द' जानाने दड'। बिबानगिरिफोरा बिखो दिल्ली अखलानि थागिबि होन्ना फोरमायो। बिखो जायगानि सुबुंफोरनि मदतजो

गुवाहाटीनिफ्राय गासै 30 किल 'मिटर गोजान हाजो ओन्सोलनिफ्राय हमनो हायो। पाठकआ बुडेदि, नेमड-खान्थि बायदिये जेरा सेबनायनि उनाव बिखो एसटिअफ मावख 'याव लाबोनाय जायो। बि थानाय हस्टेलनि ख 'थायाव आइएसनि मुवा-बेसाद आरो मोनसे गोसोम फिर्फिला मोननाय जायो। बेखो नायबिजिरनो थाखाय दैथाइ हरनाय जाबाय। लोगोसे बोखानो हानाय मु वा - बे सा इ खौ बे नायबिजिरगासिनो दड' होन्ना पाठकआ फोरमायदो। बे जाथाइनि सोमोन्दे पुलिसआ बारा खौरं फोसावखे।

## अरबिन्द केजरवालखौ ग्रेप्टार खालामनायनि उनाव राजखान्थिया फोथारा गोख्रों महर लादों

गुवाहाटी, 24 मार्च : दिल्लीनि सिएम अरबिन्द केजरवालखौ ग्रेप्टार खालामनायनि उनाव राजखान्थिया गोख्रों महर लायो। बिजेपिया लान्थियै केजरवाल आरो आम आदमी पार्टीनि सायाव नोजोर होगासिनो दड। बेनि गेजेरजों आसामनि गिबि मन्थि हिमन्त बिश्व शर्मायाबो केजरवालनि सायाव गग्लोबना बाथ्रा बुंदों। जौ गेना-खान्थि केसआव ग्रेप्टार खालामनायखौ लानानै दिल्लीनि मन्थि अरबिन्द केजरवालनि सायाव गग्लोबना हिमन्तआ बुडोदि, माखासे मान सन्मानफोरखौ नोजोर होयैआ सोरखौबा गावखौ ग्रेप्टारनि थाखाय लिंहरनायनि समान। आसामनि सिएमआ बेनि सोमोन्दैयै बुंदोंदि, जुदि केजरवालआ इडनि जागायजेनाय समननि फिन्नाय होयोमोनब्ला बियो ग्रेप्टार खालामनायनिफ्राय बारग'नो हागौमोन। हिमन्त बिश्व




शर्माया बुंवावदोंदि, जेळा सोरखौबा 8-9 खेब ट्रांसफार खालामै आरो बियो समननि फोरमान खालामब्ला बेनि ऑथियायो जाबाय बे सुबुड गावनि ग्रेप्टारखौ गावनो खावलायहरो। जुदि बियो गिबि खेब लिंहरनायाव इडनि खाथियाव थाडोमोनब्ला बिखौ ग्रेप्टार खालामनाय जानाय नडामोन। बेनि गेजेरजों केजरवालनि ग्रेप्टार खालामनायनि फिन्नायाव आम आदमी पार्टीआ दिल्लीयाव सहरारिफोर धर्ना होनो फोसावो। पार्टीआ बिजेपिनि हेंथायै गावसोरनि हेंथा होनायखौ फोरमायनो थाखाय थानाय रबिबाराखालि केन्डेल लाइट रेलि आरो पुतला सावनो थाखाय बिथांखि लादों। आथिखालाव दिल्लीनि थागिबिफोर लामायाव

ऑखारबोदों। आम आदमी पार्टीया बुंवाय बायदिब्ला, बयबो अरबिन्द केजरवालनि दाहाल जानानै लोगोसे गसंनंगोन। अरबिन्द केजरवालखौ ग्रेप्टार खालामनायनि उनाव मदि सरकारखौ खुंथायनिफ्राय बोख्लायनो थाखाय जोबथा गोहो महरै फोरमान जागोन।

## अमित शाहआ गायसन्थाय सानाव आसाम राइफल्सनि जवानफोरनो हामब्लायथि बाउहरदों

गोदान दिल्ली, 24 मार्च: मिरुआरि नख'र मन्थि अमित शाहआ रबिबाराखालि गायसन्थाय सानाव आसाम राइफल्सनि जवानफोर आरो बिसोरनि नख'रफोरनो हामब्लायथि बावयो। 1835 माइथायाव गायसन्नाय आसाम राइफल्सखौ 'काछर लेभि' मुनि मिलिशियानि मुंजोंबो मिथिनो मोन्नाय जायो। आथिखालाव जायगानि थागिबिफोरनि रैखाथिखौ रोखा खालामनो थाखाय आसाम राइफल्सखौ बयनिखुइ गोजान आरो जौगाखाडै ओन्सोलफोराव थिसनो। गायसन्थाय साननि समाव अमित शाहआ 'एक्स' याव लिरोदि, आसाम राइफल्सनि मावसुमाफोर आरो बनि नख'रनि सोद्रोमाफोरनो बिसोरनि गायसन्थाय सानाव हामब्लायथि बावयो। जेळानो सांग्रं आरो भिक्टोरियास फर्सआ



सा-सान्जा बाहागोयाव हादतनि इन्टारिम रैखाथिखौ रैखा खालामनो आरो सुबुंफोरखौ रैखा खालामनो थाखाय मोनसे दाहाल महरै गसंनानै दड'। बिथाड जोनोम हादतनि थाखाय गावसोरनि जिउखौ बावग्रा सान्थिफोरनो खुलुमनाय बावहरो। अमित शाहनि अनगायै आसामनि

गिबि मन्थि हिमन्त बिश्व शर्माआबो हामब्लायथि बावनानै बुडोदि, आसाम राइफल्सआ ओन्सोलाव गोजोन लाखिनायाव मख'जाथाव बिफाव लायो। शर्माआ लिरो, भारतनि बयनिखुइबो गोजामसिन सान्थि हान्जा आसाम राइफल्सनि गासै

मावसुमाफोरनो बिसोरि गायसन्थाय सानाव हामब्लायथि बावदों। सा-सान्जा ओन्सोलाव गोजोन गायसन्ना लखिनो आरो गोनांथि जानाय सुबुंफोरखौ हेफाजाब होनायाव गाहाइ बिफाव लायो। 1960 याव सा 17 बेटेलियानफोरजों लोगोसे गावसोरनि गायसन्नायनि उनिफ्राय बोलोयाव थोजासे बांहोदों। बेयाव आथिखालाव सा 46 बेटेलियानफोरा दंफायो। बेनि अनगायै बेयो मोनसे ट्रेनि होग्रा मिरु आरो माखासे आफादफोरखौ जोथोन लायो। आदिवासि ओन्सोलफोराव गावसोरनि गोलाव सिबिथाइ होनायनि गेजेरजों आसाम राइफल्सआ सुबुंफोरनि फोथाइनाय मोनो हादों आरो माहारियारि हाबाफारियाव मख'जाथाव बिहोमा होयो।

## मन्थि राजनाथ सिंहआ सियासिन ग्लेसियारआव जवानफोरजों हली फालिदों

जम्मु, 24 मार्च : मिरुनि रैखाथि मन्थि राजनाथ सिंहआ दिने रबिबाराव सियासिन ग्लेसियारआव दावबायहेदों। बिथाड बैयाव थानाय हादतनि सिमनाखौ रैखाथि होग्रा जवानफोरजों जयै हली फोर्बो फालिदों। हली फोर्बो फालिनायनि सिगां लेहनि हल अफ पेमआव सान्थिफोरनि मुंखलंफोरनो बिबार बाउदों। रैखाथि मन्थिया एक्सआव मोनसे पस्ट खालामनानै 24 मार्चखालि मुलुगनि बयनिखुइबो जौसिन दावहा फोथारा सियासिनआव गावनि दावबायहेगोनखौ सानसे सिगां मिबथिहोदोंमोन। लोगोसेनो बिथाडा सियासिन ग्लेसियारआव हादतखौ रैखाथि होबाय थानाय जवानफोरजों हलीनि फोर्बो फालिगोन होनाबो मिबथिहोदोंमोन आरो



गावनि दावबायनो थाखाय गोसो गुदुं जानायखौबो फोरमायदों मोन। मख'जाथावदि, काराकरम रेन्डआव 20 रोजा गोजौ हाजोआव थानाय सियासिन ग्लेसियारआ मुलुगनि बयनिखुइबो जौसिन सान्थिफोर थाग्रा बाद महरै गनायथि जायो। बेयाव सान्थिफोरा जोबोद गोब्राव जेनाफोरजों आरो थासारिजों मोगा-मोगि जानांगौ जायो। फारसेथि गोनां बोथोरनि समाव ग्लेसियारआव बरफनि दामोल गिसिखानाया सरासन्ना होना बुंजायो। बे समावनो सान्थिफोरनि थाखाय जिउजों गेलेनानै हादतखौ रैखा खालामनांगौ बिबानआबो गोब्राबसिन जानानै फेयो। बे समाव बिदुंआ 0 निफ्राय -60 डिग्रि सेल्सियससिम थाडो। अब्लाबो सान्थिफोरा गावसोरनि जिउखौ बाउनानैब्लाबो हादतनि थाखाय बेवहाय डिउटि खालामो।

## पाकिस्तानआ इउएनएससिआव सोद्रोमा मोन्नो नाजादों

गोदान दिल्ली, 24 मार्च : पाकिस्तानआ 2025 निफ्राय 2026 सिमाव 2 बोसोरनि हाबाफारि समनि थाखाय इउएन सिक्युरिटी काउन्सिलआव मोनसे अरायथा नडै मासि मोन्नो थाखाय हाबाफारि जागायदों। पाकिस्तानआ हारिमायारि गोजोननि थाखाय परिषदिनि सोद्रोमा हादतजों हेफाजाब होना बिहोमा होनायनिबो खोथा होदों। खौरनि बायदिब्ला, इउएनआव पाकिस्ताननि अरायथा थान्दै रजदुत मुनीर अकरमआ बृहस्पतिबाराव इउएनआव पाकिस्तान सान



फोर्बोनि फारियाव खुंनाय आसाखौ फोसावदों। मोन्नायनि हारिमायारि मोनसे बरायनाय हाबाफारियाव इउएनएससियाव सोद्रोमा फोलेरनिफ्राय मदत

हास्थायनानै अकरमआ हारिमायारि गोजोन आरो रैखाथिनि थाखाय इउएनएससिनि थांखिफोराव हेफाजाब होनो पाकिस्ताननि सायाव फोथायनायखौ बुंथिदों। बिथाडा बुंदोंदि, ग्लबेल साउथनि आयदाफोरखौ हेफाजाब खालामनाय आरो बांसिनै हेफाजाब मोन्नो पाकिस्ताना नाजागासिनो दड। बे समाव बिथाड इउएनआव पाकिस्ताननि बिहोमा होनायनि सायावबो रोखा खालामदों। खौरनि बायदिब्ला, निउयकंआव इउएन एससियाव पाकिस्तानि मिशनआव खुंनाय बरायनाय हाबाफारियाव इउएन महासभानि आफादगिरि डेनिस फ्रान्सिस, इउएननि अरायथा मिशननि जौसिन थान्दै आरो गुबुन दैदेनगिरिफोरबो बाहागो लायो।

## नितिन गाडकारिनि हेंथायै कंग्रेस दैदेनगिरि बिकाश ठाकरेआ बिसायख'थि गेलेगोन

गोदान दिल्ली, 24 मार्च : कंग्रेसआ लकसभा बिसायख'थिनि थाखाय बिजाथिफोरनि मासिफोरगव सा 46 बिजाथिफोरनि मुंखौ फोसावयो। बिजेपिनि गोख्रों दैदेनगिरि नितिन गाडकारिनि हेंथायै पार्टीया बिकाश ठाकरेखौ फसडो। आथिखालाव कंग्रेस पार्टीनि गेजेरजों लक सभा बिसायख'थिनि टिकेट होनायनि सायाव कंग्रेस एमएलए बिकाश ठाकरेआ फिनजाथाइ होयो। बिथाड कंग्रेस पार्टीनि हामलाइथि बावयो। महाराष्ट्रनि नागपुर



बिसायख'थि ओन्सोलनिफ्राय लकसभा बिसायख'थिनि थाखाय गावसोरनि बिजाथिनि सायाव कंग्रेस एमएलए बिकाश ठाकरेआ बुडोदि, आं

सोरनो भट होगोन बेखो फोरमाया। बिसायख'थियाव सोर देहागोन बेयो रोखा नड। बे बिसायख'थिया सुबुंफोरनि दावहा आरो नागपुर सोरखौ मिबथियो। सुलुनि बायदिब्ला, नागपुर लक सभा मासिनिफ्राय बिजेपिया नितिन गाडकारिनो टिकेट होदों आरो कंग्रेस एमएलए बिकाश ठाकरेनि सायाव फोथायनाय फोरमायदों, बियो नागपुर सोनाब बिधान सभा सिटनिफ्राय एमएलए।

## उरां सान्थि हान्जानि बारग' गाहाइ भदौरियाआ बिजेपियाव जयेन जाबाय

गोदान दिल्ली, 24 मार्च : लकसभा बिसायख'थिनि सिगां सिगां उरां सान्थि हान्जानि आगुनि गाहाइ आर के एस भदौरियाआ दिने बिजेपियाव जयेन जाबाय। जानो गोनां बिसायख'थिखौ लानानै राजखान्थि हान्जाफोरनि गेजेराव गोख्रों दान्थे-बिदान्थे आरो जुजिलायनायनि गेजेराव बिथांनि बिजेपियाव जयेन जानाया मख'जाथाव जानानै फेदों। बिजेपिनि गाहाइ नेहाथारि बिन्द ठाबरे आरो मिरुनि मन्थि अनुराग ठाकरुनि नुजाथिनायाव भदौरियाआ बिजेपियाव जयेन जायो। बिजेपियाव जयेन खालामखानायनि उनाव बिन्द ठाबरेया भारतयारि उरां सान्थियाव भदौरियानि गोलाव सम सिबिथाइ होनानै बाख्नायो आरो हादतनि रैखाथि हान्जायाव



सांग्रंडै बिफाव लाबोनयनि उनाव राजखान्थि फोथारावबो गोख्रों बिहोमा होगोन होना फोथायनाय आरो आसाखौ बुंथियो। बिजेपिनि गाहाइ नेहाथारिया बुंदोंदि, भदौरियाआ भारतयारि उरां

सान्थियाव 40 बोसोर बिहोमा होदों आरो गाहाइ मन्थि नरेन्द्र मदिनि आत्मनिर्भर भारत प्रग्रामआवबो गावनि बिहोमाखौ होदों। मख'जाथावदि, भदौरियाआ

उत्तर प्रदेशनि थागिबि। लक सभा बिसायख'थियाव बिजेपिया बबे राइज्योनि बबे मासिखौ भदौरियानो होनो हागौ एबा बिथांखौ बिजाथि फोसावगोन ना फोसाव बेनि सायाव पार्टीया जेबो रोखा खालामाखौ।

## राइज्योयारि आफादगिरि रमेश सिंह कुशवाहाआ जेडिउआव हाब्बाय

पाटना, 24 मार्च: नेसनेल पिपुल्स फ्रन्टनि माहारियारि आफादगिरि उपेन्द्र कुशवाहाआ राइज्योनि आफादगिरि रमेश सिंह कुशवाहानि नितिश कुमारनि जेडिउआव थांनायखौ रागा जौनाय मावसुमाफोरखौ जिंगा सिनाडा होन्ना बोसोन होदों। बिथाड बुंदोंदि, फोथायजाथाव लोगो हरिवंश राय बच्चननि बुंनाय बाथ्राफोरखौ गोसोखां... जाय थांनाया थांबाय, बे बाथ्राया जोवनानै थांबाय। थांनाय शनिवारखालि बिथाडा आफादगिरिनि दोलो सोलायनायनि सायाव खुद्विखानाय जेडिउनि सुबुंफोरखौ खावलायोदि, आरोबाव माखासे बिजाथिफोरनि गोनां जाबावदोंब्ला फोरमाय। मिथिनो मोन्नाय बादिब्ला, रमेश सिंह कुशवाहाआ 2015-20 नि गेजेराव जेडिउनि एमएलएमोन। बियो बेटिकट जानायनि उनाव उपेन्द्र कुशवाहाजों लोगोसे फेदोंमोन। सुलुनि बादिब्ला, उपेन्द्र कुशवाहानि पार्टिखौ थांनाय शनिवारखालि



नितिश कुमारनि जेडिउआ सोखारिदों। अदेबानि नेसनेल पिपुल्स फ्रन्टनि राइज्योयारि आफादगिरि रमेश कुशवाहाआ गावनि बिसि भिजय लक्ष्मीजों लोगोसे शनिवारखालि इडिउआव हाबो। सुलुनि बादिब्ला, बेनि सिगांबो रमेश कुशवाहाआ जेडिउआवनोमोन। नाथाय बेटिकट जानायनि उनाव उपेन्द्र कुशवाहाजों लोगोसे थांदोंमोन।

देवघर, 24 मार्च : बिजेपि दैदेनगिरि आगुनि मन्थि राज पालिवारआ गावनि एडभकेट अमित राज भारद्वाजनि गेजेरजों कंग्रेसनि बुंथिगिरि पवन खेड़ानो नटिस दैथाइहरो। एडभकेटनि गेजेरजों होनाय नटिसआव बुंनाय बायदिब्ला आगुनि मन्थिआ बिजेपिनि दुमका लकसभा मासिनि बिसायख'थियारि बिबानगिरि। दाय जाबसिन्नाय




बायदिब्ला पवन खेड़या गावनि फेजबुक एकाउन्टआव गोरुन्थि आरो नखाय खौरं फोसावदों। बिथाड बुंदों, राज पालिवारआ कंग्रेस पार्टीआव जयेन खालामबाय नाथाय बे खौराड आबुडै गोरुन्थि। बेजों राज पालिवार आरो बिजेपिनि सावगारिया गुबुंले जादों। राज पालिवारआ बिजेपिनि गागि दैदेनगिरि। बेयो माब्लाबाबो

कंग्रेसआव जयेन खालामनो थाखाय सान्तोबो हाया। पवन खेड़खौ सान्तेनि गेजेराव बेनि थाखाय निमाहा बिनो आरो 7 साननि गेजेराव राज पालिवारनो बेनि सोमोन्दैयै खौरं होनायखौ लानानै नटिस दैथाइहरोदों। लोगोसे बे बायदि खालामैनि सायाव आइनारि नायबिजिरनायनि बाथ्राबो बुंदों।

## बिफांआव थानाय मोन 5 सावगारि-फोरखौ सिनायथिनानै दिहुन ?

जॉनि खर' मेलेमखौ गुलुं-गुजुं खालामनो हानाय अष्टिकेल इलुजनजों सोमोन्दो गोनां सावगारिफोरा सशेल मिडियाआव गोबां भाइरेल जागासिनो थायो। बे रोखोमनि सावगारियाव बबेबा जर'खा मुवाखौ होखानाय मोनसे थि समनि गेजेरावनो सिनायथिना दिन्थिनांगो जायो आरो बेनो बे सावगारिनि सेलेन्स। ओरेबायदि बुंनाय जायोदि, जाय सुबुंहा हाइ आइकिउ आरो गोखौं मेलेम गोनां जायो बे सुबुंआसो सावगारिनि जर'खा मुवाखौ समनि गेजेरावनो सिनायथिनो हानाय जायो। बेबायदिनो दिने मोनसे जेना गोनां सावगारि लानानै फैदों, जायखौ नुनायाव सयसन्हा बिफां बायदि नुनो मोनो। नाथाय बेयाव दडमाबा जुनात। बेफोर जुनातखौ सिनायथिनो थाखाय 20 सेकेन्डसम होनाय जादों। ब्रेड टिजारखौ फुरा खालामनो आरो अष्टिकेल इलुजन सावगारिखौ नायनाया जॉनि मेलेमनि थाखाय मोनसे इक्सारसाइज जायो। अदेबानि बेफोरो गोबां सेलेन्स गोनां एबा नाजाथाबनांगो। सावगारिखौ नायोब्ला गिबियावनो गोबां दालाय बिलाइ गोनां फांसे गेरेमसा ब्लेक एन्ड हवाइट बिफांनि सावगारि बायदि नुनो मोनो। नाथाय बेयाव गोबां बायदि रोखोमनि सावगारि



हाबफाना दड। बेनि सेलेन्सआव होनाय 20 सेकेन्डसम गेजेरावनो सावगारियाव थानाय जुनातफोरखौ नागिरना दिहुनो हायोब्ला नोंथाडाबो सासे जेनियास होन्ना गनायथिजागोन। सावगारिखौ मोजाडै नोजोर होयोब्ला, माखासे जुनातफोरखौ थाबैनो सिनायथिनो हायोब्लाबो माखासे फिसा जुनातफोरखौ सिनायथिनाया जोबो गोब्राब। नोंथाडा सम होनाय बायदियै जुनातफोरखौ सिनायथिनो

हायाबो जानो हागौ। बिफांआव बे माबा दावफोरनि गेजेराव माथामआ दाव फिसा एबा दावसा आरो मानैया गिदिर दाव। होखानाय 20 सेकेन्डसम बिफांआव थानाय दावफोरखौ सिनायथिनायाव फे लें जायोब्ला नोंथानो मिबथिहोनाय जायोदि, गुबुन मोनसे सावगारियाव बेफोर दावखौ अरेन्ज कालारजों दिन्थिनाय जादों। बेफोरबायदि सावगारिखौ नायनानै आरो सेलेन्सखौ आजावनानै सुखानो नाजायोब्ला जॉनि खर'-मेलेमआ एक्लिभसिन जायो।

## रंजालि गथ'फोरनि सौरा

### नों आनि नडाब्लाबो

नोंनि महरनि इसाराया आनि गुबुन इन्जुरनि फारसे जोंथि मिनिनाय नायगिरना नोंनि मोनाखै आं दाबोनो नोंनि मोखाडव।

आं नख अनगोथे नोंनि गारबोनाय साइखंबादि, नोंखौ आनि हां बायदि मोनो रजे दान्दिसे गैयाब्लानो आं जिउ गैयै उरां फारां।

बिखानि गाराइ थैसाम नोंनि मुंजों लाथा खानाय, नों आनि बिखायाव था रजे गजबनानै दावथु फिसा बायदि।

नोंनि अन्थाव महरखौ आं नायनानै गोजोनो रजे, नोंखौ नुबोला आं खुसिजों मिनिस्त्राडे नों आनि नडाब्लाबो रजे नोंनो आनिथार।

-गलाप खुंगुर बसुमतारि बसगाव, कक्राझार

### फावथिना सालिनि फलान

फावथाइनि मोनफ्रोम दिन्थिनि फावगिरि महरै आरखु लाना फाव दिन्थिनाय मै फलान बियो थांखिखौ गोफार लाना मुं सिनायथि होयो। गोजानाव मोदाननायखौ होसोनाया मानोबा आयनानिसो महर लाजादों, गार्सै मोदाननाय जिरादा स'ना जाया मिन्थिनाबोदि थांदोंमोन मोनगोन मिजिजों। दैमानि दै होबथाप्रा बान्दोखौबो सिफायना गावनो लिंहरप्रोयो दै बाना हालाय-हाफाय जायो मानोबा गावनिनो मावथाइनि फिथाइखौ नुना। दैमा दैजिनि हाब्रखौबो मुगैना खारनाय बै मुलुगनि फलाना निजोमथिनि थावनि नागिरदों गोरान दुफु-दुफु बालाहामायावबोसो। आरोबावसो आगोर मोनै जिवनि अराव खामना अरखि जानादों बन्थ' मुरा बादि हांगार जानाबो बिरनादों दुग्गाना अरजों दावहा नानानै।

-कुमार बसुमतारि लखिमपुर

### टेट्राकटिस खन्थाइ

जों बर' हारिजों बर' हारि नख'र दावहा दा जा हरदम समाव

जों बर' हारिनि दावि दावा गिरजाब गिरजाब जाना बिख'लायदो

जों बर' हारिया बड'लेण्डखौ सिमानि अनजालि खालाम नाड

जों बर' हारिया बड'लेण्डखौ मोननोबा मोसोम बादि हुर हुर जा

जों बर' हारिया हरदम समाव बड'लेण्डनि मिजिनायखौ दा गार

-रैदोम बर' माजदिद्या, बगुलामारि, बाक्सा

### रोखाथि

ड प्रह्लाद बसुमतारि

देकार्टेसआ बुंनाय बादिनो, आं रोखाथि नागिरदोंमोन। दिम्बेस्वर सारनि फोरोंनायाव आं गावनिनल' सानग्रा जाबायमोन। आंनो रोखाथि नांगौमोन, नों सानसे आनि जागोन होननानै। आनि थायनै मेगनाव नायनानै खोथा होनो नांगौमोन। नोंखौ जोबोर मोजां मोनो होननानै ! इसोर, आल्लाहनि मुंखौ दा लाथ'सै ! बिसोरो जादों एंगारथावै सैथो नों आं सोमोन्दोयारि। माबा मोनसे खालामनो थाखायदि सानैबो लोगो हमलायनांगौमोन, इलेकटून प्रट'नि बायदि रोखाथियै ....

### समायखिरा

रिंखाफैबाय थायो खोमा सेराव दाबोनो नोंनि गोदे गारानि देंखोआ सुनामि जाना आंखौ रायदावफैयो। मोजां मोननायनि लैथोआव गब'नाय सोलेरा सानस्त्रिनानै दिनेबो आगोर मोनाखै गुवार बिखानि अननायखौ लाना। फोरमायनो गोनां गोबां खोथा दडमोन गोरबोआव नाथाय सानश्रहायै सिमांफोरा सान हर दासिमबो जंखायफैयो। गोसोखाडेब्ला गावखाडे उन्दुलानाय सोलेरा गारबोनाय बै समनि गोथार बुब्लियाव लानाय समायखिरा।

-निजोम बर' पश्चिम पानेरि, अदालगुरि

### जिउनि सानस्त्रि

समनि निदास आरो आनि फिसा फिसा अखा थरथिंफोरबादि सानस्त्रिफोर रानस्त्राव रानस्त्राव गोरान बालाहामानि बारनाय बारफोरबादि गोसो गोरबो आनि, दा जिउ सानस्त्रि फेसालिनि बाजारवाव फिसा फिसा जाहोननि खोथाफोरनि दुखुनि गावनाय, सुखुनि मिनिगागलाबनाय सोर मिथिनो सुबुं जिउनि आबुथि सोमखोर अखां बिखायाव निजोम एबुथिया गबथुथु सान, मुखुबथि गैया गुमुरथि गैया जेबो जेनिबो दफानो दावबायलानाय लामानि फेसालिआव रोजा गोसोम जोमैफोरनि दाखिफबनाय दफानो दावबायलानाय लामानि फेसालिआव जोमै बुसांजानाय सावगारि बेफोर सावगारिफोरखौ नायनानैनो गोमोहाबो गोसो गोरबो आनि सुदेम खोलो- खोलो बार बारनानै दंमोन गोरबो बिखानि बबेबा दाबसे खनायाव उरायहां- उरायहां आंगोफोरनि गोसो गोरबो उरायलांबायमोन दाउब' दाउसिनफोरा हालि हालि बासानिफाय बबेबा गुमुरमोनै थावनि फारसे बिसोरहाबो गावबा गाव माबा मोनसे एबुथिया सानस्त्रि दंथारो बिमा बेसुमुथिया दिंप्रायो सम आरो बोथोरजों समफोरा बाबेनलाडे साननि सोरां आरो हरनि खोमसि सायखंजों दैमा सेरनि अन्थाइ थाफायाव जिरायनानै दंमोन गबथुथु देहा सोलेर आनि गुमुर मोनस' हायाखैमोन आं बिदित्थानि गेलेग्लानाय खोमसि सायखंआ सानजा नखोरानिफ्राय सिखांबोबायमोन अबोला देसा गाथोनाव आनि सायखंआ गोमोरलानो हमबायमोन गुसंग्रानि खबामजों साखाथिनि निजोम अरां हाग्रामा बिखाया रिंसारखाडे सुबसे औवा सुबायाव दाउस्त्रि- खुराजिफोरा थावनि सिख'लायनाय रावफोरा रिंसारखाडे लामा- लामा रिथि- रिथा मथर गारिफोरनि सार्ज लाइटफोरा जोंखांबोनो हमबायमोन बिमा बेसुमुथिया जोंखौ माब्लाबाबो फोलाफेराखै साननिफ्राय हर, हरनिफ्राय सान आजै- आजौ, आबै- आबौ, आइ- आफाया फोरोंलांदों जोंखौ सान हाबनार्यनि सिगां न'फारसे हास्त्रिलानो दाबोनो नेवसिगाराखै जों सुबुं माहारिया जेरें सोरां आरो खोमसिया माब्लाबाबो जानगार जानो हाफेराखै अखानायसि समनि रिथि-रिथा जोंथि-माथि निहिरफोरनि जोंखोल- जोंखोल जिउ गोमोरलाडे सान्दुनि जौनायाव सुबुंस्त्रिनि फिसा फिसा गोसो गोरबोनि सानस्त्रिफोर जावरिखाफैनाय समावनो मावपुडब्ला गोमालाडे दफानो गोमालाडे सुबुं जिउनि बायदि सानस्त्रि।

-बनमालि दैमारि बेन्नावारि, बागसा

### गोगोम

खामानि मावनो जायखिजाया नागारनांगौ लाजिनाय बानाय

दालुबै देरनो खेबसेयैनो

फारियै लासैयै उन्दैनिफ्राय देरनायासो जायो गोगोम।

-सबिराम बर' राबा, बागसा

### नों बर' सिख्ला

बलराम बर'

मिथिगानि रै-रुब महर लानानै सोरजिनाय समायना बारफुनानै थानाय बिबार नों लाइमोन बर' सिख्ला। गोमो-गोथां दख'ना गाननानै सिखिरि बादि बाहां बिरहां गां फुवार -फुवार फालि लानानै मोसाबायो। गोसो नोजोर मुहिनानै नोंनि बे थायनै मेगना बे संसारखौ बावहोनानै सिमानि मुलुगाव गोदोहोयो। अखाफोर बायदि गावदां नोंनि बे जारौ मोखांया खोमसि अखांखौ स्रां खालामनानै आनि गोसोखौ लामा दिन्थियो। रुम्बां खानाइआ नोंनि साननि मोदाननायाव जोंख्लाबखाडे नारें सु बायदि गन्थं नोंनि गुस्थियाव लाजिस्तु मिनिनाय। मोज्जायबादि जान्जि नोंनि आखाइ आव देहु लाना मद'-मद' आथि थायनैजों मावनाय दानायावबो नोंखौ रावबो फेजेनहाया हारिनि गेदेमा सिनायथिखौ फोथायनानै लाखियो नों। नाथाय जादोंसै दिने बेले-बेजे आसार खान्थि बोजबनो हमदों मालायनि गाननाय जोमनायखौ। दाखालायसै बिदि नों गलाय गथाय थासारिखौ फोथांफिनदो गावनि हारिनि समायना हायनाश्री महरखौ।

### सानसे

सानसे..... आंगो सिथ्लायबो गुबुननि आखाइयाव थांगोननामा ?

सानसे..... आंगो जोनोम नख'रखौ नागारनानै हाजोआव हादान नायगिरहेनो नांगोननामा ?

सानसे..... आंगो न'आवनो गाव-गोसो बादि खोथा बुंनो हानाय नडनामा ?

सानसे..... आंगो न'आवनो गुबुनखौसो आथिडव हमनानै सिबिनो नांगोननामा ?

थारैनो, सानसे.....???

-दिपेन चन्द्र बर' रडिया, कामरूप

### उसाव-बादाव

सानदोंमोन आं फोरमायनो फंसे बाथा, नाथाय गेवा खुगा आनि मानो ? मेगना नुयो नोंखौल' गोसोआ थाडे नोंजोल'। साया माया नुसै आं नोंनि महरखौल' जासै आं उसाव-बादाव। नाथाय नुस' मोना सोर अनजालिया जागोन आनि ? गोसोआ थाडे अरायबो अनसुलि महराव नोंनिल। आदानि हिन्जाव बाजै मोनहा आंखौ बुंदोंसै आंहाबो बिनानाव सासे दंवावो नांगो जायोब्ला जुलिनि रादाय। गोबों गोसोआ गोजोननाय गैया नोंनि खाथियाव उसाव-बादाव गोसोआ आनि।

दालिम ब्रह्म

### भबानिपुरआव सानथामनि हाबाफारिजों दौल फोर्बोंआ दिन्नैनिक्राय जागायजेनबाय

**भबानिपुर, २४ मार्च:** जारिंमिनारि भबानिपुर सत्रआव सानथामनि मेहेर गोनां हाबाफारिजों श्रीकृष्णनि दौल फोर्बोंआ दिन्नैनिक्राय जागायजेनो । दिने फुंबिलियाव भबानिपुर सत्रनि लागोनायाव साखोन-सिखोन खालामनाय हाबाफारि, सत्रनि फुंनि आर'ज आरो श्रीश्री श्यामगय गसाइनि फुजा होनाय जायो । बेलासिनिक्राय गेवलां हलि मेथाइ बादायलायनाय खुंनाय जायो । लोगोसे मोनाबिलियाव आलारि बाधि फोर्जोनाय जायो । हरनि ८ रिंगायाव गोबां भक्तआ आसार-खात्थियारि नाम किर्टन, संख', मदांग' बायदिनि देखोजों गसाइखों दौलआव गायसन्नाय जायो । बेनि उनाव फटका बेरफुहोना दिन्थिफुंनाय जायो । मख'नो गोनांदि, कलबारनि श्रीश्री रमचरन ठकुर आतानि सक्र, कुर'बाह सत्र, सरुपेटनि उजासास्तर किर्टन न'आवबो दिन्नैनिक्राय श्रीकृष्णनि दौल फोर्बोंआ जागायजेनो ।█

#### ☐ १ बिलाइनिफ्राय)

## राइज्यो बेंगिरिआ गाबनि फोर्बो हलिनि समाव गाहाम हामब्लायथि हरदों

नोगोरारिफोरनिसिम गाहाम हामब्लायथि बाउहरदों । गावनि हामब्लायथि रदाबआव राइज्यो बेंगिरि काटारियाआ लिरदोंदि, 'गाबनि फोर्बो गोथार हलि फोर्बोंनि समाव आसामनि साफ्रोमबो थागिबि सुबुंफोरनिसिम आंनि गोसो गोर्बोंनिफ्राय गाहाम हामब्लायथि जासिहरों । मिर्जिंथियो बे गाबनि फोर्बोंआ साफ्रोमनिबो जिउआव गोजोन, खौसेधि, अन्नाइनाय आरो रंजानायनि थासारि लाबोगोन ।' राइज्यो बेंगिरि काटारियाआ मिर्जिंथिनाय फोरमायदोंदि, हलि फोर्बोंनि समाव गासैबो हारि-माहारिनि गेजेराव आरो समाजनि गेजेराव गोजोन अन्नाइनाय आरो खौसेधिनि थासारि लानानै फैगोन आरो बे गोथार फोर्बोंआ गोजोन-खुसियै बारा' लागोन ।█

## १ नं कक्राझार बियाब लकसभा बिसायख थिनि थाखाय चिरांआव एनडिए जुथाइ दोलोनि ...

आरो मावफारियाफोरखों लानानै मोनसे मेल खुंनाय जायो । बे मेलआव आसामनि गिबि मन्थि उः हिमन्त बिश्व शर्मांआ गाहाइ आलासि महरै बाहागो लाफैदों । गिबि मन्थिज्रों लोगोसे आसामनि केबिनेट मन्थिफोर- रनजित कुमार दास, अशक सिंहाल, उर्खाव गोरा ब्रह्म, राइज्यो सभानि एमपि रोनगोरा नाज्जिर मोननि बाहागो लानाय बे मेलनि गेजेरजों फैगौ लकसभा बिसायख थियाव कक्राझार बियाबनि एनडिएनि बिजाथि जयन्त बसुमतारिखों जैरैखि-जाया देरहाहोनांगौनि थाखाय खामानि मावनाय आरो थाग-थियारि जानायनि सायाव गुवारै सावरायज्लायो । फैगासिनो थाखाय बिसायख थिंथिनि थाखाय दिन्नैनि बे सावराय मेलनि गेजेरजों बिसायख थियाव एनडिएनि बिजाथिखों देरहाहोनांगौनि थाखाय माखासे कौशल आरो मावथांखिफोरखों लानाय जादों । जर'खायै फोनांजाब बिसायख थियारि मावथांखि, गाहाइ थाखोनि मावफारियाफोरनि गेजेराव सोमोन्दो आरो हेफाजाब होलायनाय, आसामनि साफ्रोमबो भटारफोरजों गाहाइ मन्थिनि मावथांखि भिक्सित भारतजों फोनांजाबहोनाय आयदाफोरनि सायाव गुवारै सावरायज्लायादों । दिन्नैनि बे हाबाफारियाव एनडिए जुथाइ दोलोआव थानाय इउनइटेड पिपुल्स पार्टि लिभारेल ( इउपिपिएल), बिजेपि आरो आसाम गन' परिषर्दनि गोबां दैदेनगिरि आरो मावथिफोर बाहागो लादों । मेल जथुमखंनायनि उनाव गिबि मन्थि उः हिमन्त बिश्व शर्मांआ खौरां बिजोंनि गेजेरजों फोरमायदोंदि, दिन्नैनि बे मेलआव फैगौ लकसभा बिसायख थियाव कक्राझार बियाबनि एनडिएनि बिजाथि जयन्त बसुमतारिखों देरहाहोनांगौनि थाखाय खामानि मावनायनि सायाव सावरायनाय जादों । फैबाय थानाय लकसभा बिसायख थिंथिनि दासिम राइज्योनाडै एनडिए जुथाइ दोलोआ आबुडै साखा-फारा जाना दइ । कक्राझार लकसभा बियाबआवबो एनडिएनि बिजाथि जयन्त बसुमतारिआ २-३ लाखनि बांसिन भटनि फारागथिजों देरहासार जानो हागोन । गिबि मन्थिआ बुंबावोदि, गाहाइ मन्थि नरेन्द्र मदिनि दैदेन्नायबनो एनडिएआ उथि खेबनि थाखाय मिरुआव सरकार दानो थांगासिनो आरो नरेन्द्र मदिआ फिन हादतनि गाहाइ मन्थि जानो थांगासिनो । फैगौ लकसभा बिसायख थियाव आसामआव मोन १३ मासियाव थांखि लादोंब्लाबो दासिम मोन ११ लकसभा बियाबआव एनडिएनि बिजाथिनि देरहानाया रोखा जानानै दइ होन्नानै गिबि मन्थिआ फोरमायो । हाबाफारियावनो बिटिआरनि गाहाइ मावफुं सोद्रोमा प्रमद बर'आ बाहागो लानानै आथिखालनि हादतनि गाहाइ मन्थि नरेन्द्र मदिनि दैदेन्नाय मिरु सरकारआ हादतनि राइजो-राजाफोरनि फारफ्रोमबो बिथिडाव जौगालु आरो अन्साइलु खामानि मावनायनि थाखाय साफ्रोमबो राइजो-राजाफोरानो नरेन्द्र मदिखौ फिन उथि खेबनि थाखाय गाहाइ मन्थि खालामफिन्नो साखा-फारा जानानै दइ आओ कक्राझार लकसभा बियाबआवबो एनडिएनि बिजाथि जयन्त बसुमतारिआ राइजो-राजाफोरनि अन्साइनायजों देरहानो थांगासिनो दइ होन्नानै फोरमायो । दिन्नैनि बे हाबाफारियाव एमएलए लरेन्च इस्लारि, जिरन बसुमतारि, एनडिएनि कक्राझार बियाबनि बिजाथि जयन्त बसुमतारि, बिटिआरनि मावफुं सोद्रोमाफोरा रनजित बसुमतारि, राकेश ब्रह्म, उकिल मुसाहारि, धनन्जय बसुमतारिजों लोगोसे एमसिएलएफोर आरो इउपिपिएलनि गाहाइ नेहाथारि राजु कुमार नाज्जारि आरो इउपिपिएल, बिजेपि, एजिपनि गोबां दैदेनगिरि-मावथिफोराबो बाहागो लादोंमोन ।█

## बर' आइजो लिरगिरि गौथुमनि ६ थि बोसोरारि जथुम्मा खुंदों

ब्रह्मआ । फुंबिलि १०:०० रिंगायाव आफादगिरि अनजु बसुमतारिनि आफाद दैदेन्नायाव मोनसे गेवलां मेल जानानै थाडो । जेराव गाहाइ आलासि महरै बड'लेण्ड मुलुग सोलोंसालिनि रेजिस्ट्रार उः सुबुं बसुमतारि, माननि आलासि महरै फारियै उः भौमिक चन्द्र बर', बिफान गाहाइ, बर' बिफान बड'लेण्ड मुलुग सोलोंसालि आरो गागि लिरगिरि जेउति प्रभा ब्रह्मआ । मख'थावनादि, बे मेलनि गेजेरजों देरलाइ बर' थुनलाइ आफादनिफ्राय समेस्वरी बान्था मोन्नो हानाय बर' आइजो लिरगिरि गौथुमनि गाहाइ नेहाथारि धीर्ज्यु ज्योती बसुमतारिखों आफादनिफ्राय गांसे आर'नाइ आरो मान बिलाइजों मान बाउनाय जायो । लोगोसे गौथुमनि जिउनां सोद्रोमा महरै फारियै शान्ति बसुमतारि, उः चिरती स्वरगियारी, उः इण्डिया, उः इण्डिया, उः इण्डिया बर' आरो अनजु बसुमतारिनो फोरमानलाइ गथाइनाय जायो । बे मेलनि गेजेरजोंनो गाहाइ आलासि उः सुबुं बसुमतारिनि आखायजों 'बर' आइजो लिरगिरि गौथुमनि थांखि आरो बिथांखि' मुनि बिजाबसा आरो दुनालि आइजो थुनलाइयारी गाथोन थामहिनबा बिजनी हालामनि आइजो लिरगिरिफोरनि जथाइनाय सुंद' सल'नि बिजाब 'गाथोननि मोदान्नाय अखाफोर'खों बेखेखवानै होयो । बेलासे १:०० रिंगायाव उः चिरती स्वरगियारीनि दैदेन्नायाव खन्थाइ आवराइनाय हाबाफारि बान्जाइनाय जायो । बे हाबाफारिया सोलिफु बुब्बियावनो आथिखालाव गोमालांनो हमनाय बिलोगो खानाय दोरोडारि सोमोन्दो खानाय खात्थिखों फोथांनानै लाखिनो नाजानाय जायो बिजनीनि गाम्बारि सिजौ रानी ब्रह्म आरो दतमानि गाम्बारि जेनेभा मोसाहारिखों बिलोगो खाहोनायनि गेजेरजों । बर' आइजो लिरगिरि गौथुमनि बे ६ थि गाइसं सान फालिनाय हाबाफारियाव दिने उदालगुरी, गुवाहटी, बरमा, सिमला, बरपेटा रड, बिजनी, दैबंखोला, कक्राझार, गसाइगाव आरो सोनाब बंग'नि गाम्बारिफोरा लैहोर-लैहोर बाहागो लानानै हाबाफारिखों मेहेर गोनाडै जाफुंसार होनायाव मदद होदोंमोन । रायखांथावनादि, बर' आइजो लिरगिरि गौथुमनि माव बिबाननि सम सिमाया बारनाय हिसाबै अनजु बसुमतारिखौनो आफादगिरि मासियाव दोनफिन्ना भारजिन जेकभा मुसाहारीखों गाहाइ नेहाथारि , शान्ति बसुमतारिखों गाहाइ सुजुगिरि आरो धीर्ज्यु ज्योति बसुमतारिखों लेाइ आफादिगिरि महरै थिसननानै गुबुन माखासे बिबानगिरिखों जैरै दं एर्रैनो दोनफिननाय जायो होन्ना खौरां मोन्नाय जादों ।█

## बेंगालुरु एकरप्रेस ट्रेननिफ्राय सोमोनांथाव महरै सासे सुबुं गोमादों

कक्राझार रेलवे स्टेसननिफ्राय गोमानाय जाथ्या गिरखंनाय थासारि सोमजिदों । गोमानाय सुबुंखों दरं जिल्लानि अंगं पुलिस थानानि सिडव थानाय धनशिरि गामिनि थागिरि आब्दुल सामाद आलि (४८) होन्नानै मिथिनो मोन्नाय जादों । बे जाथायखै लानानै गोमानाय आब्दुल सामाद आलिन फिसाज्ला साजिदुल हकआ मैया बिफाखों नागिरनानै रडिया रेलवे पुलिसनि खाथियाव गांसे एजाहार थिसनो । एजाहाराव नख'रनि सुबुंफोरा फोरमायनाय बादिब्ला धनशिरि गामिनि आब्दुल सामाद आलिआ थांनाय २० मार्चनि हरनि ११.४० रिंगायाव बेंगालुरु एकरप्रेस ट्रेनजों रडिया स्टेसन फासुं फैबाय थादोंमोन । नाथाय थांनाय २३ मार्चआव फुंनि ७ रिंगायाव कक्राझार स्टेसननिफ्रायनो बेंगालुरु एक्सप्रेस ट्रेनजों फैनाय आब्दुल सामाद आलिआ गोमायो । नख'रनि सुबुडा आब्दुल सामाद अलिखों नागिरनानै जेबो खौरां मोन्नो हायैयाव रडिया रेलवे पुलिसनो जाथायनि सोमोन्दै फोरमायहरो ।█

# तामुलपुर जिल्ला क्रिकेट एकाडेमिनि बान्जायनायाव ३ थि बोसोरारि क्रिकेट लीग बादायलायनाया दिन्नैनिक्राय जागायजेनबाय

**तामुलपुर, २४ मार्च:** दुलाराइ आसाम क्रिकेट आफादनि सिडव थानाय तामुलपुर जिल्ला क्रिकेट एकाडेमिनि बान्जायनायाव ३ थि बोसोरारि क्रिकेट लीग बादायलायनाया दिन्नैनिक्राय जागायजेनो । तामुलपुर गोर्जौसिन गेजेरारि फरायसालिनि

ग्लेष्पा फोथागव दिन्नैनिक्रय जागायजेनाय क्रिकेट लीगआव तामुलपुर जिल्लानि सिडव थानाय गासै मोन ८ हन्जाफोर बाहागो लायो । २०-२० लीगनि दिन्नैनि गिबि मेचआव तामुलपुर क्रिकेट एकाडेमिआ मिलन कला कृस्टि संघ

#### ☐ १ बिलाइनिफ्राय)

## आसाम कंग्रेसनि आफादगिरि भुपेन बराआ थाबैनो बिजेपिआव हाबगोन: हिमन्त विश्व शर्मा

कंग्रेसनि आफादगिरि भुपेन बराआ थाबैनो आरो जायखि-जाया समावनो बिजेपिआव हाबगोन । मानोना बेनि गोबां जाहोनफोर दइ। कंग्रेस दैदेनगिरिफोरा बिजेपिनि सायाव बायदि बायदि बाथा बुंनाय आरो अजद होनायखों नेवसिनानै गिबि मन्थिआ बुंबावोदि, जायफोर दैदेनगिरिफोरा खौरां बिजोंनि गेजेरजों बिजेपि आरो आथिखालनि सरकारखौबायदि बायदि रावजों सोंखारियो आरो नंखाय बाथा बुडो बिसोर दैदेनगिरिफोरानो आंजों पन हरनानै राइज्लायो आरो गावसोरनि दोलोनि इसिडारि बाथाफोरखौ आंनो खोन्थानानै कंग्रेस नागरानयनि इसाराखों फोरमायो । बेनिखायनो आं बुंबायथादों भुपेन बराजों लोगोसे कंग्रेसनि गोबां दैदेनगिरिफोरानो बिजेपिआव थाबैनो हाबगोन । दिल्लीनि बाथराखों रायखंनानै गिबि मन्थिआ बुडोदि, सरकारनि जाय मोनसे संदानग्रा एर्जेन्सिआ नोंथांनो नुजाथिनो थाखाय नटिस दैथायहरदोंमोन, जुदि नोंथाड नटिस दैथायहरनाय बायदियै नुजाथिनो हायाब्ला बेनि फिन्नाया थारैनो गोर्खों जागोन आरो फिन्नाय होयाब्ला खाजानो गोनां जागोन होन्नानै गावनि बिबुंथियाव फोरमायदों ।█

## गोदान गोहो आरो मिजिंथि लानानै सौफैबाय गाबनि ...

मख'नो गोनांदि, दिने हादतनाडैनो फिसा हली एबा हलिका दहन महरै फालिगासिनो दइ। हिन्दु धरोमेाव बे सानआ जोबोद आंथि गोनां जायो । बे सानाव मोजाइ गाज्रिनि हेंथायै देरहानयनि नेसॉन महरै फालिनाय जायो । बे सानखालि रायक्षसि हलिकाया जोबख्हांदोंमोन होन्नानै फोथायनाय जायो, बेखोंनो गाज्रिनि नेसॉन आरो भगवान बिष्णुनि सिबियारि प्रह्लादनि जिउआ रैखा मोन्दोंमोन, जायखों मोजां आरो सैथोनि नेसॉन होन्नानै फालिनाय जायो । बे समनिफ्रायनो बोसोरफ्रोमबो हलीनि सानसे सिगां हलिका दहन खालामनाय जायो, जायजों गावनि सोलेर सिडवनि गासैबो गाज्रिफोरखौ नेसॉन महरै लानानै सानवाय जायो । बेखायनो सुबुंफोरा लादों जायगायाव हलिका सावयो ।█

## कक्राझारआव मुलुगनां टिबि सान फालिदों

सुबुंफोरा बाहागो लाफादोंमोन । बेनि उनाव आरएनबि सिभिल देहा फाहामसालिनि सुपोरन्टेन्टडेन्ट डा: एनआर बिशवासनि मासि सामलायनानै दैदेन्नायाव मुलुगनां टिबि सान फालिनायनि लोब्बायै मोनसे सांग्रांथि मेलबो खुंनाय जायो । बे सांग्रांथि मेलआव कक्राझार जिल्ला टिबि मावख'गिरि डा: कौशिक दासआ बाहागो लानानै गावनि बिबुंथिनि गेजेरजों सोलिफु समाव कक्राझार जिल्लानि टिबि बेरामनि थासारि आरो हादतआव २०२५ माइथायसिमाव टिबि बेराम फोजेबख्सांनायनि थांखि लानायनि बागै फोरमायथियो । बे हाबाफारियावनो कक्राझार जिल्ला उफ्रा कमिशनार (हेल्थ) कथिता डेकाआबो बाहागो लानानै कक्राझार जिल्लानि टिबि बेरामिफोरखौ जोथोन लानो आरो बिसोरनो नांगौबायदि गोनां जाग्रा मुवा बेसाद आरो फिथाइ-सामथाइफोर जगायनानै होनो थाखाय देहा बिफाननि मावफारियाफोरखों खावलायो । बिथाड बुंदोंदि, फुड बास्केटआ टिबि बेरामफोरखौ बेरामनिफ्राय रैखा मोनहोनायाव हेफाजाब खालामो । हाबाफारियावनो कक्राझार जिल्ला देहा सिबिथाइ बिफाननि फोनांजाब बिथोनगिरि डा: जेबि रयआबो बाहागो लानानै गावनि बिबुंथिनि गेजेरजों टिबि बेरामखौ दबथयनाय आओ बे बेरामनि फारसं सांग्रांथि जानांगौनि सोमोन्दै गुवारै फोरमार्यथिनानै होयो । हाबाफारियावनो कक्राझार मेडिकेल कलेजनि फेकार्लिट डा: केस्वाजित सनवालआबो बाहागो लानानै २०२५ माइथायसिमाव हादतआव टिबि उदां खालामनायनि थांखिखौ जाफुंसार खालामनायाव साफ्रोमबो देहा बिफाननि मावथि फारियाफोरखों हेफाजाब होफानो थाखाय खावलायो । दिन्नैनि बे मुलुगनां टिबि सान फालिनाय हाबाफारियाव आशा मावथिफोर, आरएनबि सिभिल देहा फाहामसालिनि मावफारियाफोर, आइडिएल एनजिअनि सोद्रोमाफोर, बतगावनि सेम कलेजनि फरायसाफेर निबिदिता नार्रि एकाडेमि, उः बिआर आम्बेदकार फाउन्डेसन कक्राझारनि फरायसाफोरजों लोगोसे देहा बिफाननि गुबुन गुबुन बिबानगिरि आरो मावख'गिरिफोराबो बाहागो लादोंमोन ।█

## दरं-उदालगुरि लक सभा बियाबनि चरसापरि धलपुरआव..

मन्थि नरेन्द्र मदिआसो सुख्हांनो हागोन । बेनिखायनो खुंनो गोनां लक सभा बिसायख थियाव कंग्रेस दोलोनि सोलायै चरसापरि धलपुरनि बाडइ सानको सुबुंफोरा फामे बिबारनि सावगारियाव भट होनानै दरं-उदालगुरि बियाबनि बिजेपि दोलोनि बिजाथि लिदिप शइकियाखों गोबां भटजों देरहा होनानै नरेन्द्र मदिखों थामथि खेबनि थाखाय हादतनि गाहाइ मन्थि खालामगोन होन्नानै इक्रामुल हुसेइनआ बुडो । बे बिसायख थि मेलाव दरं जिल्ला बाडइ सानखो सेलनि िफादगिरि आबुर तालेब आहमेद, गाहाइ नेहाथारि मनिर महम्मद शाह आरो नेहाथारि आब्दुल मजिद मोनहाबो बिबुंथि होयो । मख'नो गोनांदि, दरं जिल्लानि गुरुखुतिआव गिबि मन्थि हिमन्त बिश्व शर्मांआ बाडइ सानखो सुबुंफोरखौ होखास्खंनानै गुरुखुतिआव बिथांखि लुनायनि खामानि मावफुंदों । बे बिथिडाव बाडइ सानखो सुबुंफोरा मदि सरकारनिफ्राय गुबुन गुबुन बिथांखि मोन्नायनि थाखायनो बे खेबाव कंग्रेसनि सोलायै बिजेपिनि बिजाथि दिलिप शइकियाखों गोबां भटजों देरहा होगोन होन्नानै धलपुरनि राइजो-राजाफोरा खौरां बिजोंनि सिगाडव फोरमायदों ।█

लतिबारि हान्जाखौ ३ उइकेटनि फरागथियाव फेजेन्नानै उनिनि राइन्डआव सहैनो हायो । तामुलपुर क्रिकेट एकाडेमिआ गिबियाव बेटि खालामनानै थिखानाय २० अभागव ७ उइकेट खोमानानै गासै १२२ रगनि थांखि थिनो हानायनि सोलायै मिलन कला कृस्टि संघ

लताबारिआ गासै ११ अभागव ५१ रगनआव गासैबो उइकेटखौ खोमानानै मेटखौ जेन्नो गोनां जायो । दिन्नैनि गिबि मेचआ तामुलपुर क्रिकेट एकाडेमिनि जानानै ध्रुव बर'आ मोन ३७ बलआव मोनथाम ६ आरो मोनबा ४ नि मदतजों गासै ४९

#### ☐ १ बिलाइनिफ्राय)

## खैराबारि दख'रा एबसुनि गाइसनगिबि आफादगिरि रुंसारि नन्द'राम बर' नि ...

फरायसा आफादनि आफादगिरि बिबान रजुननाय रंसारी बर'आ सोलिफु बोसोरनि थांनाय ११ फेब्रुवारी खालाराव बे बुहमनिफ्राय नखर'नि सोद्रोमाफोरजों लोगोसे बुहमखौ नागरलानो गोनां जादोंमोन । फुंबिलि समाव रंसारिनि जिउमया सोरगोआव आलो गोजोन जायगा मोननांगौनि थाखाय बाथौ दोहोरोमारि नेम-खात्थिनि आर'ज मेथाइ रोजाबनायनि गेजेरजों हाबाफारिया जागयो । बेनि उनाव रंसारि नन्द'राम बर' बिथांनि गोसोर्खाथियाव बानायनाय मुसुखाखौ बेखेवना होयो मिरु दुलाराइ बर' फरायसा आफादनि आफादगिरि दिपेन बर'आ । आसाम आयेन आफादनि बु्थिगिरि बिस्वजित दैमारि, बि टि आरनि लेाइ गाहाइ खुंगिरि गबिन्द चन्द्र बसुमतारि, बि टि आरनि गेलेमु आरो हारिमु बिफाननि मावफुं सोद्रोमा दावबायसा बर', एम सि एल ए बाबुल बर', मिरु इउ पि पि एल नि बुंथिगिरि बाबुल बसुमतारि आरो गोबां बर' हारिनि दैदेनगिरि बिथांमोनहा नख'रनि दुखुनि समाव दिने बाहागो लाफैनायखौ नुनो मोन्नाय जायो । रंसारि नन्द'राम बर'आ खैराबारि दख'रा दुलाराय बर' फरायसा आफादनि आफादगिरि महरै बिबान लाखांनायनि उनाव बर' हारिजों लोगोसे समाजनि थाखाय गावखौ बावसोमनानै खामानि मावबोदोंमोन । बड'फा उपेन्द्र नाथ ब्रह्मनि आदर्श आलादा राइजो सोमावसारनायाव आरो हारिनि बायदि गुबुन गुबुन रोखोमनि जेना जेंसिखौ सुख्हांनो थांनायाव बिथाड मैखोमै बाहागो लाना हारिनि थाखाय गावखौ बावसोमना खामानि मावबोदों । नख'रनि आरो गावनि देहायारि जेनाफोरखौ नेवसिनानैब्लाबो हारिखौ अन्नाय बिथांनि बे नेरसोनफोरखौ दुलाराय बर' हारियानो अराय मान होनांगोन । बेनिखायनो अगुनि आरो दानि खैराबारि दख'रा दुलाराइ बर' फरायसा आफादनि मावथि बिथांमोनजों लोगोसे उदालगुरि जिल्ला दुलाराय बर' फरायसा आफादनि मावथि बिथांमोनहाबो जुथायै मान होनानै बिबार बावनो थाखाय बाहागो लाफैनाय जादों होन्नानै गावनि गोथौ बिबुंथिआव बुंथिना होलाडो मिरु दुलाराइ बर' फरायसा आफादनि आफादगिरि थामहिनबा हाबाफारि बायदियै रंसारिनि मुसुखा बेखेवगिरि दिपेन बर'आ । लोगोसे फैबाय थानाय समाव बिथां रंसारिनि नख'रनि बायदि रोखोमनि जेनाफोरखौ सुख्हांनो थाखाय मिरु दुलाराय बर' फरायसा आफाद, जिल्ला आफाद, दख'रा आफाद जुथायै बि टि आर सरकारजों आलादायै सावरायनाय जागोन होन्नाबो बुंफोरना होलाडो बिथां आफादगिरिया ।█

## बारानसी लकसभा बियाबआव गाहाइ मन्थिनि हेंथायै कंग्रेसनि अजय राइआ बादायगोन

माइथायनि लकसभा बिसायख थिंथिनि उनाव गाहाइ मन्थि नरेन्द्र मदिनि हेंथायै अजय राइनि बेयो थामथि थोंजोडै बादायलायनाय जागोन । राइआ सिगांनि मोनै बिसायख थियाव गाहाइ मन्थिनि आखायाव जेन्नांदोंमोन । बे बिसायख थियाव मदिआ बिजेपिनि थाखाय दोलोनि गिदिर मेन्डेट लानानै जारिभिन सोजिनो थामथि मावबुब्बियाव चिरायनो सिमां रसयदों । २०१४ माइथायाव गाहाइ मन्थि मदिआ ५६ जौखोन्दोनि बांसिन भट मोन्नानै देरहासाा जादोंमोन । बेराफारसे राइआ ७५ रोजा भट मोन्दोंमोन । अरबिन्द केजरिवालआ ३.५ लाख भटनि फारागथिजों नैथि जायगायाव थादोंमोन । बे रोखोमैनो २०१९ माइथायाव बारानसी बियाबनि थाखाय गाहाइ मन्थि नरेन्द्र मदिआ समाजबादि पार्टिनि शालिनी यादव आरो कंग्रेसनि अजय राइनि गेजेराव थाम ख'नायारि बादायलायनाय जादोंमोन । गाहाइ मन्थि मदिआ फिन ६५ जौखोन्दोनि बांसिन भट शेयार लानानै देहादोंमोन । यादआ १८ जौखोन्दो भट लानानै नैथि मासियाव थायो । बे खेबाव राइआ १४ जौखोन्दोल' भट मोन्नो हायो ।

बारानसीआ जारिंमिनारि महरै बिजेपिनि खरं होन्नानै मिबथिजायो । बेयाव १९९१ माइथायनिफ्राय खेबफ्रोमयावबो बिजेपिनि बिजाथियानो देरहानानै फैदों । २००४ माइथायाव कंग्रेसनि राजेश कुमार मिश्रआ देरहादोंमोन । मख'नो गोनांदि, राइआ जायगानि सासे गोर्खों गोहोम गोनां सुबुं । बिथाड बिजेपिनि फरायसा आफादनि आखाय महनानै गावनि रजखत्थि गेलेनायखौ जागायदोंमोन आरो १९९६ निफ्राय २००७ माइथायनि गेजेराव खेबथाम उत्तर प्रदेश बिधान सभायाव देरहालांदोंमोन । जेब्ला २००९ माइथायाव बिजेपिआ राइनो लकसभानि टिकेट होनो नाहरोब्ला बिथाड लोगो-लोगोनो दोलो नागरो आरो समाजबादि पार्टिनिफ्राय बादायनानै देरहासार जानो हायो । बोसोरथामनि उनाव बिथाड कंग्रेसयाव जइन जायो ।█

## कक्राझार लक सभा बियाबाव एनडिएनि बिजाथिया देरहागोन: जाकिर हुसेइन

बेखेखनानै होयो एडिपिनि मावफुं सोद्रोमा रहेन चन्द्र रायआ । बिथाड खुंनो गोनां लक सभा बिसायखनथिनि सिगां एजिपि दोलोनि बिथाखोंोर्खों खालामनाय आरो दोलोनि दैदेनगिरि-मावथिफोरनि गेजेराव थुलुंगाखां होनार्यनि थांखिजों दिने कक्राझार जिल्ला एजिपिनि मावखुलिखौ गोलाव बोसोरनि उनाव बेखेवनाय जायो होन्नानै फोरमायो । थांनाय १९८५ माइथायनिफ्रायनो आसाम गण परिषद दोलोआ कक्राझार जिल्लायाव गावयारि मावखुलि गंसेनि आंखाल जादोंमोन । जाउनाव एजिपि दोलोनि दैदेनगिरि मावथिफोरनि गेजेराव जगाज लाखिनायाव मोनसे फारागथि सोमजिदोंमोन । नाथाय एजिपि दोलोनि गेजेराव सोमजिनो गोलाव सर्मनि जेनाया सुख्हां जायगाव दिने सालाकालिआव एजिपिनि जिल्ला मावखुलिखौ बेखेवनाय जायो होन्नानै बिथाड बुडो । एजिपिनि जिल्ला मावखुलिआ दिने बेखेव जानायजों दोलोनि दैदेनगिरि-मावथिफोरनि गोलाव सर्मनि अजद आरो जेना सुख्हांनायाव गोर्खों बिफाव लागोन होन्नानै बिथाड बुडो । गुबुन फारसैंथि, एजिपिनि गंसे जिल्ला मावखुलि बेखेखनानै कक्राझार जिल्ला एजिपिनि आफादगिरि जाकिर हुसेइनआ कक्राझार जिल्लायाव एजिपि दोलोनि गोलाव सर्मनि मोनसे आंखालआ सुख्हांजाबाय होन्नानै बुडो ।

## गोबां बिबांनि सुरां दंफांजों लोगोसे लाक्जारि सेभ्रलेट ट्रेभेरा गारि हमदों

गारियाव दंफां रोगानाया दासिमबो सोलिगासिनो दइ। हरनि समाव हाग्रा बिफान आरो पुलिसनि मेगनाव हाद्रि सारनानै सुरां दंफां फालागिरिफोरा गोदान-गोदान सोलो बाहायनानै गावसोरनि सुरां फालागिखौ लाखिबाय थानाय नुनो मोन्नाय जायो । मैया सारनि समावनो चिरं जिल्लानि बासुगावयाव लाक्जारि फिसा गारियाव बोरमा खावनानै दिखंनानै लांनाय जाथ्याया पुलिसनि नोजोराव फैनायनि उनाव दिने बासुगावयाव फिन बे रोखोमनिनो जाथ्या सोमजियो । बे खेबयाव लाक्जारि कारयाव सुरां दंफां रोगानानै लांनाय सोराडव फैदों । दिने फुंबिलि समाव मोनसे स््रोद सुलुंनि बिथायाव संदानानै बासुगाव फरेस्ट डिप'नि हाद्रा मावफारियाफोरनि मोनसे हान्जाया सिग्रोमनानै सुन्दारि-बांगालदबा लामायाव सुरां दंफां रोगानानै लांनाय एएस ०१ एक्स ७५२३ नम्बरनि सेभ्रलेट ट्रेभेरा कारखौ सन्देह खालामनानै होसोलाडो । हाग्रा बिफाननि मावफारियाफोरखौ होसोलांनाय नुनानै सुरां दंफां लांनाय ड्राइभारआ लाक्जारि गारिखौ लामा सेराव गारनानै खोमसिनि खाबु लानानै खारखोमालाडो । उनाव हाग्रा बिफाननि मावफारियाफोरा गारिखौ बोखंनानै बासुगाव फरेस्ट डिप'सिम लानानै फैयो । हाग्रा बिफानआ बोखंनानै लाबोनाय दंफानि बेसेना लाख रं बेसेननि जागोन होन्नानै फोरमायदों हाग्रा बिबानगिरिया ।█

## हिमाचलनि मन्डीनिफ्राय कंगना रनौत, बरुण गान्धीआ टिकेट मोनाखिसै

हिमाचलनि मन्डी बियाबनिफ्राय गसंनो बिजाथि सायख'नाय जादों । बेराफारसे, दोलोनि माखासे गोर्खों दैदेनगिरिफोरखौ बे फोसावजानाय फारिलाइयाव नुनो मोन्नाय जायाखै । बिजेपिआ बे खेबाव पिलीपिट बियाबनिफ्राय बरुण गान्धीनो बादयनायनि जायगा होयाखिसै । दोलोआ पिलीपिटयाव बरुण गान्धीनि सोलायै राइज्यो सरकारनि आगु मन्थि जितिन प्रसादनि बिजाथि होनाय जायो । बेराफारसे बरुणनि बिमा मेन'का गान्धीनो सुल्तानपुर बियाबनआव बादायनो टिकेट होफिन्नाय जायो ।█

# गुलाम सावथुनाव रानी मुखाजीनि गारांरवौ डाब खालामनाय जादोमोन

रानी मुखार्जीआ सावथुन मुल्गनि मुंदांखा फावखुंग्रिफोरनि गेजेराव सासे। बिथांजोआ 'कुच-कुच हता है', राजा की आएगी बारात, हद कर दी आपने बायदि गोबां सावथुनफोराव खामानि मावदोमोन। बेबादिनो गुलाम सावथुना रानी मुकार्जीनि केरियारनि टर्नि पड्ट सावथुन फोरमान जादोमोन। बे सावथुनाव रानी मुखार्जीखौ आमिर खानजो लोगोसे फाव खालामनाय जादोमोन। बे सावथुना बक्स अफिसआव जाफुं सारदोमोन आरो फावखुंग्रिआ बे सावथुनि उनाव



गोबां गिदिर सावथुनफोराव खालामनो गोनां जादोमोन। टाइम्स अफ इन्डियानि रिपर्टनि बायदिब्ला, रानी मुखार्जीआ गुलाम सावथुननि बानायनायनि सोमोन्दै माखासे सल 'फोर

फोसावदो। गुलाम सावथुनखौ बिक्रम भट्टआ दिथा होदोमोन। बे सावथुनाव बिथांजो रानी मुखार्जीनि गारांरवौ मोजां मोन्नाय नडा। मिथिहोनाय जायोदि, गुलाम सावथुना रानी मुखार्जीनि हिन्दी सावथुन केरियारनि नैथि आरो गिबि हिट सावथुनमोन। सावथुनाव रानी मुखार्जीनि गारांरवौ डब खालामनाय जादोमोन। बे सावथुननि हेफाजाबजो नो बिथांजोआ गुबुन गिदिर मावथांखिफोरखौ मावनो थाखाय खाबु मोन्दोमोन।

सावथुननि बानायगिरिफोरा बिथांजोनि जायगायाव सावथुनाव गुबुननि गारांरवौ बाहायदोमोन। रानी मुखार्जीआ फोरमायदोदि, बै समाव फावखुंग्रिनि गारांरवौ डाब खालामनायनि मोनसे ट्रेन्ड दडमोन। गुलाम सावथुननि थाखाय बिथांजोनि गारांरवौ डाब खालामनाय जादोमोन। मानोना आमिर खान, बिक्रम भट्ट आरो सावथुननि दिहुनगिरि मुकेश भट्टआ हमदांनो हादोमोनदि, जानो हागौ नायगिरिफोरा बिथांजोनि गारांरवौ मोजां मोन्नाय नडा। मिथिहोनाय जायोदि, गुलाम सावथुना रानी मुखार्जीनि हिन्दी सावथुन केरियारनि नैथि आरो गिबि हिट सावथुनमोन। सावथुनाव रानी मुखार्जीनि गारांरवौ डब खालामनाय जादोमोन। बे सावथुननि हेफाजाबजो नो बिथांजोआ गुबुन गिदिर मावथांखिफोरखौ मावनो थाखाय खाबु मोन्दोमोन।

## आतिफ आस्लामआ गावनि फिसाजो हालिमानि माखासे सावगारिफोरखौ शेयार खालामदो

आतिफ आस्लामनि मोनसे गोदान पस्टआ सशेल मिडियाआव भाइरेल जागसिनो दडा बिथांजो थानाय बोसोरनि 23 मार्चखालि सासे अन्जाथाव फिसाजोनि बिफा जादोमोन। रोजाबगिरिया दासिमबो गावनि फिसाजोनि मोखांरवौ दिन्थियाखौमोन। बे समाव गावनि फिसाजोनि जोनोम सानाव आतिफ आस्लामआ गावनि फिसाजोनि मोखांरवौ दिन्थिया होदो। अन्सागिरिफोर गोबां समनिफ्रायनो रोजाबगिरिनि फिसाजोनि मोखांरवौ नायनो थाखाय गोसो गुदु जाना दड'मोन। मिथिहोनाय



जायोदि, आतिफ आस्लाम आरो बिथांनि बिसि सारा भारवनाआ थानाय बोसोराव गावसिनि थामथि गथ 'खौ मोन्दोमोन। सारा भारवनाआ थानाय बोसोरनि 23 मार्चखालि सासे

खालामदो। बे सावगारिफोरव हालिमाखौ जोबोर समाइना नुनो मोन्दो। हालिमानि अन्जाथाव महरा हान्थायगिरिफोरनि गोसोखौ बोनो हादो। इन्सटग्रामाव शेयार खालामनाय मोनसे सावगारियाव आतिफ आस्लामआ गावनि फिसाजोखौ बामना लानायखौ नुनो मोन्दो। फार्सेथि नैथि सावगारियाव हालिमाखौ केमेरानि फार्से नायनाय नुनो मोन्दो। हालिमाखौ बे सावगारियाव सफायव गसना थानाय नुनो मोन्दो। हालिमानि बे सावगारिफोराव हास्थायगिरिफोरा गोबां अन्सायनाय होगासिनो दड। हास्थायगिरिफोरा आतिफ आस्लामनि बे पस्टफोरव आरय सम कमेन्ट खालामबाय थानाय आरो हालिमानो अन्सायनाय होनायखौ नुनो मोनगासिनो दड। हालिमानि सावगारिफोरखौ बाखायनायजो लोगोसे माखासे अन्सायगिरिफोरा हालिमाखौ आलिया भाट्ट आरो रणबिर कापुरनि फिसाजो रहा बायदि नुयो होन्ना बुंदो। मिथिहोनाय जायोदि, आतिफ आस्लामहा हालिमानि अनगायैबो अब्दुल आहाद आरो आर्यान आसलाम मुनि सानै फिसाज्जाफोरखो दड।

## 'टक्सिक' सावथुननि बानायगिरिफोरा सावथुननि कारिंनि सोमोन्दै फोरमायथि होदो

फावखुंग्रि यशआ केजिएफ सावथुनाव रकी भाइनि फाव खालामनाय सुबुंफोरनि गोसोखौ बोनो हादोमोन। बिथांजो फिन खेबसेबाव गिदिर फे सालियाव मोनसे दोहो सोमजिहोना थानासिनो दड। गोबाव समनिफ्रायनो सुबुंफोर यशनि फेनो गोनां 'टक्सिक: ए फेयरी टेल फर ग्रीन आफस' सावथुनखौ फोसावनाय जाबाय, नाथाय बे सावथुननि गाहाइ फावखुंग्रिया सोर जागोन बेनि सायाव गोबां सावरायनाय जागसिनो दं। जेब्लानिफ्राय टक्सिक सावथुनखौ फोसावनाय जादो, बे समनिफ्रायनो बलिउडनिफ्राय लानानै साउथ सावथुन मुल्गनि फावखुंग्रिफोरनि मुडा बे सावथुननि गाहाइ फावखुंग्रिनि थाखाय कास्ट खालामजानायनि खौरांफोर सोराडव फेगासिनो



दड। सिगाडव बेखौ बुंनया जादोमोनदि, करिना कापुर खानआ 'टक्सिक' सावथुनाव यशजो लोगोसे गाहाइ फावखुंग्रिनि फाव खालामगोन। बेनि उनाव श्रुति हासन आरो साइ पल्लभीनि मुंफोरा बे सावथुननि गाहाइ फावखुंग्रिनि थाखाय सोराडव फेदोमोन। बावैसो सिगां खौरां फेदोदि,

क्रियार आदधानीखौ 'टक्सिक' सावथुननि गाहाइ फावखुंग्रि महरे सायख 'नाय जाबाय। 'टक्सिक' सावथुननि बानायगिरिफोरा सावथुननि गाहाइ फावखुंग्रि सायख 'नायनि सोमोन्दै माखासे फोरमायथि होदो। सावथुननि बानायगिरिफोरा फोरमायदोदि, टक्सिक सावथुननि कारिंनि सोमोन्दै गोबां फोरमान गैये

फोरमायथिफोरा सोराडव फेगासिनो दड। 'टक्सिक' सावथुननि थाखाय यशनि गाहाइ फावखुंग्रि खौ नागिरनायनि बिखांन्थिया थाबैनो आबुं जानो थानासिनो दड। 'टक्सिक' सावथुना फेगौ बोसोरनि 10 एप्रि लाव सिनेमाहलफोराव रिलिज जागोन।

## बिजय बर्माआ तमन्ना भाटियाजो डेटिं खालामजेन्नायनि बागै बाथ्रा फोरमायदो



बिजय बर्मा आरो तमन्ना भाटियाखौ गोबां हाबाफारिफोरवको जयै नुनो मोनो। हास्थायगिरिफोरा बिसोरनि जयखौ जोबोद मोजां मोनो। आथिखालाव बिजय बर्माया बिसोर सानैजो 'लस्ट स्टरीज-2' सावथुननि सेबखानायनि समाव माबोर डेटिं खालामजेनामोन बेनि सोमोन्दै फोरमायदो। नेटफ्लक्स हन्डियानि इडटुब चेनेलाव तन्मय

भाट्टजो रायज्जायनायाव बिजय बर्माया फोरमायदोदि, 'जो सानैजो लस्ट स्टरीज 2' सावथुननि सेबखानायनि समाव डेटिं खालामजेनाखौमोन। जो मोनसे रेप अफ पाटि खालामनो लुबैदोमोन आरो बे पाटियाव सा 4 ल' सुबुंफोर फेदोमोन। आं गोसोआव दंदि, बे सानखालि, आं नोथांजो हेंकआउट खालामनो लुबैदो होन्ना तमन्ना भाटियाखौ बुंदोमोन। बेनि 20-25 साननि

डेतिं खालामजेन्दोमोन। बेनि सिगाडव तमन्ना भाटियाआबो फिल्म केम्पियननो होनाय मोनसे मोगा-मोगियाव गावनि रिलेशनशिपनि बागै खुलायै बाथ्रा बुंदोमोन। फावखुंग्रिआ बै समाव बुंदोमोनदि, बिजय बर्मा आरो आनि गेजेराव सोमोन्दोआ जोबोद मोजां। बिथांखौ आं जोबोद मोजां मोनो। बिथांजो थयोब्ला आनि गोसोआबो खुसि जायो।

## मडगाव एक्सप्रेस सावथुना स्वतन्त्र बीर साभारकर सावथुननिफ्राय साबसिन फालांगि खालामदो

सुबुंफोरा बलिउड सावथुननि 'बालम पिसकारी' हली खेले रघुभीर, आरो 'रंग बरसे भीगे चुनार वाली' मेथाइफोरखौ खोनाबाय। सुबुंफोरा बे मेथाइफोरखौ दासिमबो जोबोद मोजां मोनो आरो हली फोबोनि समाव बेफोर मेथाइफोरखौ खोनासडे। बेबादि थासारियाव सुबुंफोरा बे खेबाव माखासे गोदान मेथाइफोरखौ खोनासनाय हली फोबोखौ रंजानो हागोन। रोजाबगिरि सचेत आरो फनफार टन्डना आथिखालनि मुंदांखारो ज। बिगिरिफोर। आन्सायगिरिफोरा बिथांमोननि मेथाइफोरखौ जोबोद मोजां मोनो। बावैसो सिगां बिसोर सानैनि मेथाइया रिलिज जादो। बे मेथाइनि मुडा 'चिन्ता किस बात की'। बे मेथाइया हलीखौ



सोलिफु बोसोरनि 22 मार्चखालि रणदीप हुड्डानि स्वतन्त्र बीर साभारकर सावथुन आरो कुनाल खेमूजो दिथा होजानाय मडगाव एक्सप्रेस

सावथुना सिनेमाहलफोराव रिलिज जादोमोन। बे सावथुनफोर सिगां समाव गोबां सावरायजादोमोन नाथाय गिबि सानावको सावथुननि थासारिया

गात्रि जादो। रणदीप हुड्डाआ स्वतन्त्रभिर साभारकर सावथुनाव गाहाइ फाव खालामदो। अनकिता लखन्डेआ सावथुनाव साभारकरनि बिसिनि फाव खालामदो। बे सावथुना थानाय

शुक्रबाराव सिनेमाहलफोराव रिलिज जादोमोन। रणदीप हुड्डानि बे सावथुना बक्स अफिसआव मोजाडै जागायोन होन्नाय मिजिंथिनाय जादोमोन। नाथाय बे सावथुना बक्स

अफिसआव मोजाडै जागायोन हायाखै। बेनि उनाव बेखौ फोथायनाय जादोमोनदि, उडकेन्डआव सावथुनि फालांगिआ गोबां बांनो हागौ। नाथाय उडकेन्डयावबो सावथुना

मिजिंथिनाय बादियै दोहो दिन्थिनो हायाखैमोन। सेकनिलकनि आलि ट्रेडनि बायदिब्ला, रणदीप हुड्डा स्तरार स्वतन्त्र बीर साभारकर सावथुना थानाय शनिबाराव नख 'रि बक्स अफिसआव 2.25 कौटि रंनि फालांगि खालामदो। दासिम सावथुना 3.30 कौटि रंनि फालांगि खालामबाय। मडगाव एक्सप्रेस सावथुना गिबि सानाव 1.5 कौटि रंनि फालांगि खालामदोमोन। बे सावथुना नैथि सानाव 3 कौटि रंनि फालांगि खालामदोमोन। बबेखानि बे सावथुननि बुधुमनाया रणदीप हुड्डानि सावथुननिफ्राय बांसिन। मडगाव एक्सप्रेस सावथुना दासिमाव 4.50 कौटि रंनि फालांगि खालामबाय।

## हली मेथाइफोरखौ हली फोबोनि समाव खोनासंनो हानायनि राहा खालामदो

सुबुंफोरा बलिउड सावथुननि 'बालम पिसकारी' हली खेले रघुभीर, आरो 'रंग बरसे भीगे चुनार वाली' मेथाइफोरखौ खोनाबाय। सुबुंफोरा बे मेथाइफोरखौ दासिमबो जोबोद मोजां मोनो आरो हली फोबोनि समाव बेफोर मेथाइफोरखौ खोनासडे। बेबादि थासारियाव सुबुंफोरा बे खेबाव माखासे गोदान मेथाइफोरखौ खोनासनाय हली फोबोखौ रंजानो हागोन। रोजाबगिरि सचेत आरो फनफार टन्डना आथिखालनि मुंदांखारो ज। बिगिरिफोर। आन्सायगिरिफोरा बिथांमोननि मेथाइफोरखौ जोबोद मोजां मोनो। बावैसो सिगां बिसोर सानैनि मेथाइया रिलिज जादो। बे मेथाइनि मुडा 'चिन्ता किस बात की'। बे मेथाइया हलीखौ



आरो बाव रंजाथावसिन खालामनो थियारि। हली फोबोनि समाव भजपुरि मेथाइफोरखौ गोबां खोनासनाय जायो। बे खेबाव सुबुंफोरा अरबिन्दी अकेला कल्लुनि 'देव या रिहब होली में' भजपुरि मेथाइखौबो खोनासंनो हागोन। बे मेथाइखौ सोलिफु बोसोरनि फेबुवारी दानाव रिलिज खालामनाय जादोमोन। बे मेथाइखौ अरबिन्दी अकेला कल्लुआ शिल्पा राजजो लोगोसे

रोजाबदो। सुबुंफोरा मीका सिंह

## किशर भानुशालीआ अमिताभ बच्चननि न'आव फालिनाय हली फोबोनि सोमोन्दै फोरमायदो

हलीनि फोबो खुंनया बलिउडनि स्तरफोरनि गेजेराव मोनसे जोबोद गोजाम ट्रेन्ड। अमिताभ बच्चननि न'आवबो हलीनि फोबोखौ फालिनाय जायो। बे समाव किशर भानुशालीआ अमिताभ बच्चननि न'आव गेलेनाय हलीनि मोनसे बुब्लिखौ गोसोखादो। बिथांजो



फोरमायदोदि, हलीआ उन्दै समनिफ्रायनो आनि बयनिखुइ

बांसिन मोजां मोनसिन्नाय फोबो। सानसेखालि आं हली

न'निफ्राय हांखायनाय फेदो। बे समाव अभिषेक बच्चनआ लाइमोनमोन, थेवब्लाबो बिथांजो साफ्रोमबो आलासिन्ियाव बिसोरो ब्रेगफास्ट जायो ना जाया होन्नायें सोगासिनो दडमोन। किशर भानुशालीआ फोरमायबावदोदि, अमिताभ बच्चननि न'आव फालिनाय

हली फोबोनि फालिथायाव सावथुन मुलुगनिफ्राय गासैबो गिदिर स्तरफोरा बाहागो लाफेदोमोन। किशर भानुशालीआ बच्चन नख 'रनि बे हली फोबोनि फालिथायखौ गावनि जिडनि बयनि खुइबो गोसोखांथावसिन हली होन्नायें फोरमायदो।

## भारतयारि नेभिफोरा सा 35 समालियाव लैथो दाखुफोरखौ मुम्बाइ पुलिसनो गथाइबाय

मुम्बाइ, 24 मार्च : समालिया बोरिन खाथियाव मोनसे हाबाफारि सालायनाय समाव हमजानाय सा 35 लैथोमायारि लुथिग्राफोरखौ लानानै दावहार उरां जाहाज गाथोन आइएनएस कलकाताया थांनाय शनिबारखालि फुनि समाव मुम्बाइ सौहैयो। नेभिफोरा बे लैथोमायारि लुथिग्राफोरखौ आथिखालाव मुम्बाइ पुलिसनो गथायना होबाय आरो बिसोरनि हेंथायै गुबुन गुबुन आटिके लफोराव के स थिसनबाय।



नेम-खान्थि 2022 नि बायदियै आइनारि नायबिजरनो थाखाय बे लैथोमायारि लुथिग्राफोरखौ जायगानि पुलिसनो गथायनाय जायो। मिबथिनो मोन्नाय बायदिब्ला, जर'खा खौरां मोन्नायनि सायाव बिथा खालामनानै थांनाय 15 मार्चनि फुडाव जागायनाय 40 घन्टानिखुइ बांसिन समसिम सालायनाय नायबिजरनाय समाव आइएनएस कलकाताया आर'ब लैथोमायारि लैथोमायारि लुथिग्राफोरनि जाहाज एक्स-एमभि रुपनखौ हमदोमोन। नेभिफोरनि बायदिब्ला जाहाज एक्स एमभि रुपनखौ लैथोमायारि ओन्सोलाव लुथिग्रा

आरो फालांगियारि जाहाजफोरखौ बेंखन्ना लानायनि थाखाय बाहायबाय थायोमोन। बे जाहाजखौ थांनाय बोसोरनि 14 डिसेम्बरआव समालियानि बोरिनफ्राय लैथोमायारि दाकातिफोरा गावसोरनि बेंखनआव लादोमोन। समालियानि लैथोमायारि दाकु फोरखौ गावसोरखौ गथायनो थाखाय गोनां खालामनानै मोन। जेब्ला भारतयारि बोरिनफ्राय गासै 1,400 लैथोमायारि माइल (2,600 किल'मिटर) जान्थाइयाव गासै सान्नेसिम सालायनाय अपारेसननि समाव नेभिफोरा लांखारनाय फालांगियारि जाहाज

एमभि रुपननि सालायग्रा दोलोनि सा 17 सोदोमाफोरखौ रैखाथियै रैखा खालामनानै मोन। बे समाव सा 35 समालिया लैथोमानि लुथिग्राफोराबो गावसोरखौ गथायनो गोनां जानानै फेंदोमोन। खौरांनि बायदिब्ला 15 मार्चनि फुडाव आइएनएस कलकाताया लैथोमायारि लुथिग्राफोरनि जाहाजनि सायाव नोजोर लाखिनायखौ जागायो। आइएनएस कलकाताखौ नुनाय लोगो लोगो जाहाजआ लामा सोलायनानै समालिया बोरिन फारसे थांनो हमो। बे समाव जाहाज सायाव माखासे हाथियार लानाय लैथोमायारि

लुथिग्राफोरखौ नेभिफोरा गावसोरनि इनजो नुनो मोनो। आइएनएस कलकाताया हरिसायारि आइनफोरनि गेजेरजो जेब्ला जाहाजखौ थाद'नो बिथोन होयो अब्ला बिसोर भारतयारि नेभिफोरनि दावहार जाहाज गाथोननि सायावबो गुलि गावयो आरो भारतयारि नेभिफोरनि इनखौबो गावख्खायदोमोन। बेनि उनाव आइएनएस कलकाताया एमभि रुपन जाहाजनि स्टारि सिस्टेम आरो नेभिगेशनलखौ सिलिंखार खालामो, जायजो बिसोर जाहाजखौ बन्द' खालामनाडे। बेनि उनाव भारतयारि अख्रामा सान्थ्रफोरा सि-17 उरां जाहाजनिफ्राय मार्कस कामान्द जाहाजआव बागलायो आरो लैथोमायारि लुथिग्राफोरखौ बेंखन्ना लानायजो लोगोसे बेयाव गाखोनाय सालायग्रा दोलोनि सोदोमाफोरखौ रैखा खालामो।

गोदान दिल्ली, 24 मार्च:

हन्डाआ मुलुगनां बाजारआव गावनि गोदान 2024 हन्डा सिबि 125 आरखौ लन्व खालामबाय। बे गोदान बाइकआव बानायगिरिआ माखासे गाबनि अप्पन आरो मडान फिसार्चखौ सोफादेरदो। बेयो गंसे एन्ट्र लेबेल एआइ लाइसेन्स कमप्लायेन्ट मटरसाइकेल, जाय मुलुगनां बाजारआव के टिएम 125 डिउकजो मोगा-मोगि खालामो। आथिखालाव हन्डानि बे गोदान बाइकखौ भारतयारि बाजारआव लाबोनायनि जेबो प्लेनिं गैया। बे बाइकखौ मोन 4 गाबनि अप्पनजो लाबोदो, जेराव 5 इन्सनि गोदान टिएफिट स्क्रिनखौ मोनो, जायखौ हन्डा सिबि 1000 आरनिफ्राय लानाय जादो। बेयाव टेकमिटर, स्पीडमिटर, फुएल गेज आरो गोदान टिएफिट स्क्रिनखौ कन्ट्रल खालामनो थाखाय गोदान सुइसगियार होफानाय जादो।



2024 सिबि 125 आर इउर' 5+ कनम्पलायेन्ट नेमखान्थिफोरखौ मानिना सोलियो। हन्डानि गोदान बाइकनि डिआइएससि 4 थि इन्जिन 10,000 आरपिएमआव 14.75 बिएइसनि मडान पावार आरो 8,000 आरपिएमआव 11.6 एनएमनि टप टार्क आउटपुट होयो। इन्जिनखौ 6 स्पीड इउनिटजो सरजाबनाय जादो। इन्जिनआव फुएल इन्जेक्सन दड आरो मोनसे आन्डारबेलि एग्यास्ट इउनिट दड। हन्डा सिबि 125 आरनि टप स्पीडआ 105 कि:मि:घन्ट। बाइकआव डुएल

सेनेल एबिएस मोनो, जायखौ आइएमइउआ मडुलेट खालामो। सिबि 125 आर बाइकआव टिउबलार आरो प्रेड स्टील कनस्ट्रक्सन लेटेस्ट स्टील फ्रेम होनाय जादो। जाय सिगानि 41 एमएम सेपारेट फांक्सन बिग पिस्टान फर्क्स आरो उन्थिंजाय मनशकनि गेजेरजो सास्पेन्ड खालामनाय जादो। जायखौ रेडियली माउन्टेड निस्सिन फर पिस्टान के लिपारआ ग्रिप खालामदो आरो उन्थिंजाय 220 एमएम डिस्क दड, जायखौ सिंगेल पिस्टन के लिपारनि गेजेरजो ग्रिप खालामनाय जायो।

## ह्युन्डाइ आय'निक 5 एक्सआरटिनि टेस्टिं खालामनाया जाफुंदो

गोदान दिल्ली, 24 मार्च :

साउथ करियानि अट' मेकार हिउन्डाइआ आथिखालाव भारतयारि बाजारव मोनसे गोदान अफरड एसइउथि लाबोनायनि सायाव हाबाफारि मावगसिनो दड। बेखौ हिउन्डाइ आय'निक 5 एक्सआरटि मुडै लन्व खालामगोन। बेखौ भारतआव टेस्टिंनि समाव स्पट खालामनाय जादो। फैनो गोनां हिउन्डाइ आय'निक 5 एक्सआरटिआव अफरड भेरिएन्टनि स्पाइसटस स्टेन्डर्ड मडेलनि रुजुनायाव माखासे गोबां सोलाय-सोल' खालामजानायनि इसार मोन्नो हादो। सोराडाव फैनो नाय सावगारनिफ्राय मिबथिनो हनाय जायोदि, बेयाव किउभ बायदि एक्सेन्सजो लोगोसे गोदान प्रन्ट भाम्पार होनाय जादो। फारसेथिं रियारआव सरासन्ना सोलायनायखौ नुनो मोनगोन। मोनसे आलादा डिपिउजारजो



लोगोसे गुबुन रोखोमनि बाम्फार नुनो मोनगोन होन्ना आसा खालामनाय जादो। हिउन्डाइआ गुबुन बाजारव गावनि इउथि रेन्जआव एक्सआरटिखौ सरजाबनो लादो, जायनिफ्राय आय'निक 5 आवबो गोदान रड भेरिएन्टआवबो बिबिदो खालामनो हागो होन्ना सन्देह' खालामनाय जादो। अदेबानि कभार थानायनि थाखाय बेनि

सावगारिया सोराडाव फेंदोब्लाबो रोखा खौरांफोरखौ मोनो हनाय जायाखै। नाथाय इलेक्ट्रनिक मडेलआव गोजो थाखोयाव सोलायनायनिफ्रायबो बांसिने सोलायनो हागो होन्ना हमदादो। टेस्ट म्येलआव गोदान महरखौ रेड आरो ब्लेक प्लास्टिक बडि क्लिडिं नुनो मोन्दो। अदेबानि बेनि रोजा साइट वालखौ गोदान टयारजो

लोगोसे आलादा रोखोमै नुनो मोन्नाय जादो। गारियाव 18 इन्सनि अयेल व्हील नुनो मोन्नो हागो। बे गारिया 320 बिएइचिपिनि पावार आरो 604 एमएमनि टप टार्क सोमजिखोहोयो। बावैसो सिगाडाव लन्व खालामनाय आय'निक 5 फेसलिटिआव बांहोनाय रेन्जजो लोगोसे 84 किल'मिटर पार आवार बेयारि पेक लाबोनाय जादो।

## मस्कयाव गाग्लोबनायखौ भारत आरो आमेरिकाजो लोगोसे मुलुग हादतफोरा सौखारिदो



इउएन, 24 मार्च: मस्कयाव गाग्लोबनायाव थैनाय आरो जोखोम जानाय सुबुफोरनि फारसे भारतजो लोगोसे माखासे हादतफोर आरो इउएनआ जिंगा सिनाय फोरमायदो। इउएननि गाहाइ नेहाथारि एन्टनिय गुटेरेसआ बे जाथाइखौ सोंखारिनानै भुगिनांनाय नख'रफोर आरो रासियानि सरकारजो लोगोसे गसंनायनि

बाथा बुदो। आमेरिकानि गुबुन हादतयारि मन्थि एन्टनी ब्लिंकनआ बे जाथाइखौ सोंखारिनानै भुगिनांनायफोरनि फारसे जिंगा सिनाय फोरमायदो। आमेरिकाआ रासियाखौ सांग्राडे थानो आरज गाबदो। इउरपिय संघ (इइउ) आ उतखारि गाग्लोबनायखौ सोंखारिनानै भुगिनांनाय सुबुफोरनि फारसे जिंगा सिनाय फोरमायदो।

अदेबानि इउरपिय संघआ मुलुगनि गासै जायगाफोरव दाय गैयै नोगोरारिफोरनि सायाव गाग्लोबनायफोरखौ सोंखारिदो। ब्रिटेनआबो रासियानि सायाव उतखारि गाग्लोबनायखौ गोखोडे सोंखारिदो आरो भुगिनांनाय नख'रफोरनि फारसे दुखु मोन्नाय फोरमायदो। गुबुन हादतयारि मन्थि डेविड फेमरिनआ एक्सयाव ब्रिटेननि फारसेनिफ्राय दुखु मोन्नाय फोरमायदो। जापाननि गुबुन हादतयारि बिफानआ मस्कयाव नोगोरारिफोरनि सायाव गाग्लोबनायखौ सोंखारिदो आरो भुगिनांनाय सुबुफोरनि फारसे दुखु मोन्नाय फोरमायदो। मख'नो गोनांदि, ब्रिटेन आरो जापानआ रासियाजो दावहा नांबाय थानाय इउक्रेनखौ मदत खालामगासिनो दड' आरो बिसोरनो रांखाथि आरो सान्थियारि मदत होगासिनो दड। क्युबानि हादतगिरि

## त्रिपुरानि दुम्बुर दै दोन्थुमसालियाव साब्रै ना हमग्राफोरा गोमादो, सासेनि गोथै सहखौ बोखाबाय

आगरतला, 24 मार्च: शनिबारखालि हर गेजेराव सोमजिनाय मोनसे गिखंथाव बारहुंखानि जाहोनाव त्रिपुरानि दुम्बुर दैबाखियाव साब्रै ना हमग्राफोरा गब'नायनि सन्देह खालामनाय जादो। बिबानगिरिफोरनि बादिब्ला, त्रिपुरानि धलाई जिल्लानि एमआर दास पारानि थागिबि हरि दास (45), प्रदीप दास (46), ज्यतिश मल्लिक (50) आरो सन्जित नन्दी (53) आ शनिबार हरनि 9:30 रिंगासोआव दुम्बुर बिलोआव



गंसे नावजो ना हमनो थाखाय ओंखारलांदोमोन। जेब्लानो बारहुंखाया गोखो जायो, ना

हमग्राफोरा बिलोनि गेजेराव थानाय मोनसे टेन्टआव आश्रय लादोमोन। बबेखानि गोब्राव


बारनि जाहोनाव टेन्टआ गोदोलाडे आरो साब्रै सुबुडा दोमानानै थायो। गोमानानै थानाय

साब्रै सुबुनि गेजेराव सासेनि गोथै सहखौ बोखानो हाबाय होन्नानै सुलुडाव मिथिहोदो। गोमानानै थानाय गुबुन साथाम ना हमग्राफोरखौ नागिरनाय हाबाफारिया सोलियासिनो दं। सुलुनि बादिब्ला, ना हमग्राफोरा हरनि ओंखाम जाखानानै दुम्बुरआव थांदोमोन। नाथाय गोखो बारहुंखानि उनाव जेब्ला बिसोरनो न' फारसे फेफिनाखैमोन अब्ला बिसोरनि नख'र आरो जायगानि सुबुफोरा बिसोरखौ नागिरसडे। नागिरहायय समाव उत्थायनाय नावखौ नुनो मोनानै पुलिस आरो त्रिपुरा स्टेट राइफल्सनि जवानफोरनो खोयं हरो। जाथार्यनि खौरं मोनानै पुलिस आरो त्रिपुरा स्टेट राइफल्सनि जवानफोरा गोमानाय सुबुफोरखौ नागिरनो जगायो।

त्रिपुरानि गिबि मन्थि मानिक साहाया जाथार्यनि सायाव दुखु फोरमायनानै बुदो, दुम्बुर दै दोन्थुमसालियाव बारहुंखायाव साब्रै ना हमग्राफेरनि गोमानाय दुखुनाथाव जाथार्यखौ आं गोथैयै दुखु मोन्दो। राइज्यो सरकारआ बे गोब्राव समाव खहा जानाय नख'रफोरनो आबु हेफजाव होदो।

## पापुआ निउ गिनीआव गोखो बांग्रि मावदो

गोदान दिल्ली, 24 मार्च: पापुआ निउ गिनीआव गिखंथाव बांग्रि मावदो। जार्मान रिसेच सेन्टार फर जियसाइन्सेस (जिएफजेट) नि मिथिहोनाय बादिब्ला, रबिबारखालि फुनि समाव बांग्रिआ मावदो। बे बांग्रिनि गोखोथिखौ 6.6 रिक्टरनिमोन होन्नानै हमदादो। इउएस जियलजिकेल सार्थनि बादिब्ला, बे बांग्रिआ 35 कि:मि: हा सिं गोथौआव आरो



एपि सेन्टार अम्बुती ओन्सोलनिफ्राय 32 कि:मि: गोथौआवमोन। बे बांग्रिआव

जेबो रोखोमनि खहा एबा सुबुनि जिउ गोमानायनि खौरं मोन्नाय जायाखै। थांनाय बोसोराव

बेयाव 7 रिक्टर स्केलनि गोखो बांग्रि मावदोमोन, जेराव सा 7 सुबुफोरनि जिउ गोमादोमोन। मख'जाथावदि, थांनाय 22 मार्चखालि इन्डनेसियानि जाभा द्वीपआव गोखो बांग्रि मावदोमोन। इउएएनि सिस्मलजीआ बे बांग्रिनि गोखोथिखौ 6.4 रिक्टर होन्नानै फोरमायदोमोन आरो राजथावनि जाकातायावबो बांग्रि

मावदोमोन। बे बांग्रिआ 8 कि:मि: हा सिडाव मावदोमोन आरो बांग्रिनि मिरुआ बभेन द्वीपनि साखाथि जाभा द्वीपनि सा बोरिआव मावदोमोन। जाभानि बांग्रि मावनायाव रावनिबो जिउ गोमायाखै आरो जायगानि बिबानगिरिफोराबो बांग्रिनि उनाव सुनामि फैनो गोनखौ लानानै जेबो सांग्रिंथि होयाखै।

## साजा

फुंबिलिनि रुयदोब जारां सानाव फैलाव गुवार फोथाराव गेलेदोमोन आं गिदिं गिदिं गोजोन सुदेम बार बारनायाव। लानानै दुखु गैयै जिउखौ। समनि गिदिनायाव सानर्दुनि थिं थिं दुनाय जेबोला आनि मोदोमाव नाडे अबोला आं बिफानि साया नागिरो। गैया बे गुवार फोथाराव आनि थाखाय साया लानो फांसे बिफां बोथोरनि बाबेनायाव मोनफैबाय हुम-हुम हाम-हाम गुम-ग्राम खोरमनाय आसार सावन दाननि गिखंथाव बारहुंखा अखा सारअन्थाय अबोला आं आगोर मोना जायो। गैया आंहा बे संसाराव दान्दिसे जिरायना गोजोन होनो गंसे स'नानि देर, बेनो नामा लाइमोन समाव समखौ बेसेन होनो रौथैनि उदाडै बे संसाराव गिदिं बायनायनि साजा

मुसि अशक नाजरी

## दुबाइआव मुलुगनि गिबिसिन बिरग्रा टेक्सिखौ जागायसिगोन

गोदान दिल्ली, 24 मार्च: स्टार्टआपआ दुबाइआव थाबैनो गावनि मुलुगनि गिबिसिन फ्लाई टेक्सि साभिस एबा बिरग्रा टेक्सि सिबिथायखौ जागायगोन। स्टार्टआपआ बे बोसोरनि जागायजेनायाव गुल्फ इमिरेटसजौ शोयारआव हाबा मावनो फोसावदोंमोन। बिबिआव फ्लाई टेक्सि लन्व खालामनायखौ लानानै जबीनि आफादगिरिआ दुबाइआव बे सिबिथायखौ थाबैनो जागायगोन होन्नानै बुंदों। थानाय फेब्रुवारीआव जबीआ 2025 माइथायसिमाव दुबाइआव बे सिबिथायखौ जागायनो थानि लानायखौ मिथिहोखादोंमोन। स्टार्टआपआ 2016 माइथाय



हाबजासिमाव गावनि इलेक्ट्रिक एयार टेक्सि साभिस आरो कमासिएल साभिसखौ जागायनो मोनसे रदाइ खादों। जबीनि आफादगिरि सिमीआ बुंदोंदि, बे माइलस्टनखौ 2025

सिमाव मोनगोन होन्नानै गावसोर आसा खालामदों। फ्लाई टेक्सि साभिसखौ जागायनो थाखाय दुबाइ सरकारआ गावसोरनो रंखास्थि मदद होदों आरो रेगुलेटसआ

जबीनि थाखाय रिसास जगायनानै होदों। बेजों गावसिनि सिमांखौ थाबैनो जाकुं होनायाव मदद मोनगोन। बिथाडा बुं बाबोदि, जागायजेनाय समफोराव बे रांखास्थियारि मददआ जेनाफोरखौ खम खालामगोन। जबीआ जागायजे न्नायाव गावनि इलेक्ट्रिक भाटिकेल टेकअफ आरो लेन्डिं भेहिकलनि जागायजेनायाव मोन 4 भटिपट गायसन्नायनि प्लेनिं खालामदों। बयनिखुइबो सिगां दुबाइ इन्टरनेसेल एयारपर्टआव बे साभिसखौ जागायनाय जागोन।

## नागालेन्डआव खुंनय नर्थ-इस्ट गेम्स-2024 आव आसामआ गोखोडै बादायलायनानै गोबां मेडेल देरहादों

गुवाहाटी, 24 मार्च: गुबुन गुबुन गेलेमु आयदाफोराव साबिसिन दिन्थिफुंनयजों आसामआ नागालेन्डआव जाबाय थानाय नर्थ-इस्ट गेम्स 2024 आव बास्थानि फारियाव थामथि जायगा आवगिनो हायो। 18 मार्चनिफ्राय जागायनाय गेलेमुफोरा शनिवार 23 मार्चखालि थुं गेयो। गेलेगिरिफोरनि देरहानाय मेडेलफोरनि गेजेराव गं 40 आ सनानि मेडेल आरो गं 50 आ रुफानि मेडेलफोर। जाय आसाम हान्जानि गेलेगिरिफोरनि गोखौ रोंगथिखौ दिन्थियो। मख'जाथार्वदि, आसाम बक्सिं हान्जाया बाख्जायजाथाव गंजे सनानि मेडेल, गंबा रुफानि मेडेल आरो गं ड' ब्रन्जनि मेडेल मोननो हानानै गावसोरनि गोहोखौ दिन्थिफुंदों। खमलायनायनि फोथाराव आसामनि थान्दैफोरा सोमोनांथाव रोंगथि आरो गोखौथिखौ दिन्थिनो हादों। प्रतिमा खालारिआ 53 कि:ग्रा: थाखोआव रुफानि मेडेल देरहानो हायो, बेनि अनगायैबो आसाम आइजो



डमनी उजीर आरो अनिशा बासुमुतारिआ फारियै 55 कि:ग्रा: आरो 59 कि:ग्रा: थाखोआव ब्रन्जनि मेडेल मोननो हायो। आशिक पिंगुआया 57 कि:ग्रा: थाखोआव रुफानि मेडेल देरहादों, फारसेथि रन्जय दैमारि आरो बसन्त पाटगिरिया फारियै 61 कि:ग्रा: आरो 79 कि:ग्रा: थाखोआव ब्रन्जनि मेडेल देरहानो हायो। आसामआ खमलायनायाव गासै मोननै रुफा आरो मोनब्रै ब्रन्जनि मेडेल मोननो हादों। बेनि अनगायैबो आसाम आइजो

बास्केटबल टीमआ गोखोडै दिन्थिफुंनानै ब्रन्जनि मेडेल आरजिनो हायो। आसाम एथलीट फोरनि साबिसिन दिन्थिफुंनयखौ आसाम अलिम्पिक गोथुम (ए.अ.ए.)आ जोबोद बाख्जायदों। ए.अ.ए.नि गाहाइ नेहाथारि लख्खा कनवारआ एथलीटफोरनि दिन्थिफुंनयाव गोजेनाय फोरमायदों, मानोना आसामनि 90 जौखोन्दो बाहागो लागाफोरा जागायजेनगामोन। इयुनि स्टाफोरखौ जौगाहोनो थाखाय

10 जौखोन्दोल' रोंगथि गोनॉ एथलीटफोरखौ राइज्योनि जानानै सायख'नाय जादों। लाइमोन हौवासा आरो हिन्जावसाफोरा थारैनो मोजाडे दिन्थिफुंदों होन्नानै कनवारआ बुडो। मणिपुरआ बे बादायलायनायाव 52 सना, 38 रुफा आरो 40 ब्रन्जजों मेडेलनि फारियाव बयनिखुइबो गोजौसिनाव थानो हायो आरो बान्जायगिरि हान्जा नागालेन्डआ 48 सना, 42 रुफा आरो 44 ब्रन्जजों नैथि थावनियाव थानो हायो।

## बसपाआ सा 16 लकसभा बिजाथिफोरनि मुं फोसावबाय



मुरादाबादनिक्राय महम्मद इरफान सैफि, रामपुरनिक्राय जोशान खां, सम्भलनिक्राय शौलत आली, अमरहानिक्राय मुजाहिद हुसेन, मेरठनिक्राय देववृत्त त्यागीखौ बसपानि सुप्रिम मायावतिआ बिजाथि फोसावो। बिथांमोननि अनगायै बागपतनिक्राय बसपाआ प्रभिन बन्सलखौ बिसायख'थिआव बिजाथि फोसावो। गौतमबुद्ध नगरनिक्राय राजेन्द्र सलंकी, बुल्दशाहरनिक्राय गिरिशि चन्द्र जाटभ, आम्बलानिक्राय आबिद आली, पिलिभितनिक्राय अनिस आहमद खान आरो शाहजाहानपुरनिक्राय ददराम बर्माखौ बिजाथि फोसावो।

गोदान दिल्ली, 24 मार्च: लकसभा बिसायख'थि 2024 नि थियारिआ आथिखालाव गोखौसिन जाबोदों। बिसायख'थि आयगआ बिसायख'थिनि अक्टफोरखौ फोसावनायनि उनाव राजखास्थि दोलोफोरा बिजाथिफोरखौबो फोसावबाय। बिबिनो बहुजन समाज पार्टी (बसपा) आबो उत्तर प्रदेशनि मोन 16 लकसभा

मासिफोरनि बिजाथिफोरनि मुंखौ फोसावबाय। बिएसपिनि गाहाइ दैदेनगिरि मायावतिआ सहारपुरनिक्राय माजिद आली, केरानानिक्राय श्रीपाल सिंह, मुजफ्फरनगरनिक्राय दारा सिंह प्रजापतिखौ लकसभा बिसायख'थियाव बसपानि बिजाथिफोरखौ फोसावदों। बेराफासै नगिना रैखाथि मासिनिक्राय सुरेन्द्र पाल सिंह,

## बोथोर बिफानआ दिल्ली-पान्जाबजों लोगोसे माखासे राइज्योफोराव अखा हागोननि सांग्राथि होदों

गोदान दिल्ली, 24 मार्च: सा भारतआव गरमआ लास्थिये बांगासिनो दड। फेगौ सानफोरव बोथोरव बार सोलायनायखौ नुनो मोन्नाय जायाखै। आथिखालाव हाजोयारि ओन्सोलफोराव अखा आरो बरफ गोलैनो हागौ। बेराफासै हायेन ओन्सोलफोराव बिदुडव गोखैयै बांगासिनो दड। बोथोर बिफान बादिब्ला, 24 निक्राय 26 मार्चनि गेजेराव सा-सान्जा भारत, हिमालयनि सोनाब बंग आरो सिक्किमआव अखा खोरमनायजों लोगोसे गोबां अखा हानो हागौ। बेराफासै 26-29 मार्चनि गेजेराव सोनाब हिमालय ओन्सोलाव अखा खोरमनायजों लोगोसे अखा हानो हागौ। राजथावनि दिल्लीनि बाथा बुडोब्ला,



बेयावनि बिदुड लासै-लासै बांनो हमदों। शनिवार एबा 23 मार्चखालि दिल्लीनि मेक्सिमम बिदुड 34 डिग्री सेल्सियसनिखुइ बांसिनआव सौहैदोंमोन। बिफाननि

बादिब्ला, रबिबारखालि बोथोरआ एसे सोलायगोन। बे समाव दिल्लीनि माखासे जायगाफोराव सरासन्ना अखा हानो हागौ। बिफाननि बादिब्ला, 24-29 मार्चआव अरुनाचल

प्रदेश, आसाम, मेघालय, नागालेण्ड, मनिपुर, मिजराय, त्रिपुराआव अखा खोरमनायजों लोगोसे सरासन्ना थाखोनि अखा आरो अखा मोफ्लामनो हागौ। बेराफासै 25 मार्चआव

अरुनाचल प्रदेशनि आलादा-आलादा जायगाफोराव अखा हानो हागौ। दिनै पान्जाब, हरियाणा आरो रजस्ताननि गुबुन गुबुन जायगाफोराव अखा हानो हागौ। बेनि अनगायै जम्मु-काश्मीर, लाडाख, गिलगित-बाल्टिस्टान, मुजफ्फराबाद, हिमाचल प्रदेश आरो उत्तरखन्डआवबो अखा हानो हागौ। हलीनि सानाव बिहारआव जौमै सागलोबगोन। बोथोर बिगियान मिरुआ मोन 12 जिल्लाफोरनि थाखाय अखा नि एलार्ट फोसावदों। बेयाव सान्जा आरो सोनाब चंपारण, शिबहर, सितामढी, मधुबनी, किशनगन्ज, शुपौल, अररिया, सहरसा, पुर्णिया, कटिहार आरो मधुपुराआ दंफायो।

## मणिपुरआव ग्रेनेड बेरफुनाय जाथायजों आसामनि सासे सुबुड जोखोम जादों

इम्फल, 24 मार्च: मणिपुरनि ननी जिल्लायाव मैया शनिवारखालि मोनाबिलियाव सिनायमोनै गागलोबग्राफोरा ग्रेनेड बेरफुहोनाय जाथायाव सासे 37 बोसोर बैसोनि असमीया सुबुडा जोखोम जायो। बे गागलोबनाया ननी जिल्लायाव थानाय मोनसे बिथायारि सानजथाय कम्पानी, एस'सिएशन अफ बिजेनेस कम्प्युनिकेटस अफ इन्डिया (ए.बी.सी.आई.) नि बेस केम्प मावख'आव जादोंमोन। शनिवारखालि मोनाबिलिनि 7.00 रिंगासोआव सिनायमोनै दुथांफोरा मावख'आव ग्रेनेड खुबैहरो। ए.बि.सि.आई.नि सासे अपरेटर कामिर आली (37) आ बे ग्रेनेड गागलोबनायाव खाफाल आरो बिखायाव दुखु मोनो। बिथांखौ फाहामथायनि



थाखाय थाबैनो खाथिनि देहा मिरुआव लांनय जायो। पुलिसआ बिथांखौ आसामनि नलबारि जिल्लानि समसाल आलुमनि फिसाज्ता होनना सिनायथि होदों। ए.बि.सि.आई.आ 37 नं माहारियारि राजालामायाव रंगकुई आरो खंसांनि गेजेराव मोननै लेन राजालामा लुनो थाखाय हायुंआरि राजालामा आरो लुथाइयारि सानजथाय जौगाथाय निगम लिमिटेड

(एन.एच.आई.डि.सि.एल.) मावथांखियाव खामानि मावगासिनो दं, जाय इम्फलखौ जिरिबाम जानानै सिलचरजों फोनांजाबो। पुलिसआ सन्देह खालामदोंदि, रां दाबिनायानो गागलोबनायनि थांखि जानो हागौ। जाथायनि सायाव ननी पुलिस थानायाव मोनसे केस रेजिस्टार खालामनाय जायो। खौरं सुजुजासिमाव रावबो हान्जा एबा सुबुड बे बेरफुहोनाय जाथायखौ सिमान लायाखै।

## काश्मीरआव उतखारि हान्जानि सा 4 हेफाजाबगिरिफोरखौ पुलिसआ खादों

श्रीनगर, 24 मार्च: पुलिस आरो रैखाथि हान्जाया जम्मु काश्मीरनि श्रीनगरव जाकुंसार जानो हादों। हान्जाया उतखारि आफाद जैश-ए-महम्मदनि उतखारि मखुलखौ दिन्थिफुंनय समाव सा 4 सुबुफोरखौ खादों। पुलिसआ केनिहामा ओन्सोलाव थानाय उतखारि हेफाजाबगिरिफोरनि सोमोन्दै



खौरं मोन्दोंमोन। जायनि उनाव पुलिसनि रैनिया हान्जानि 50 राष्ट्रीय राइफलस आरो सिआरपिएफआ मोनसे अपरोसन खालामदोंमोन आरो सिग्रोमनाय समाव जैश-ए-महम्मदजों लोब्बा थानाय महम्मद यासिन भत, शेराज अहम्मद राठर, गुलाम हासन खान्डे आरो इमतियास अहम्मद भत मुंनि साब्रं सुबुफोरखौ खादों। हमजानाय दायनिगिरिफोरनिफ्राय गंसे एके 56 राइफलजों लोगोसे गंथाम

मेगजिन, गंसे पिस्टलजों लोगोसे गंनै मेगजिन, थर 6 ग्रेनेडजों लोगोसे गोबां हाथियार आरो गुलि बारुदफोर मोन्नाय जादों। काश्मीर हायेनाव लकसभा बिसायख'थिनि सिगां उतखारिफोरनि हेफाजाबगिरिफोरखौ खानो हानायखौ पुलिस आरो रैखाथि गोहोनि थाखाय मोनसे गिदिर जाकुंसारनाय होन्ना मानिनाय जादों। मख'जाथार्वदि, पुलिसआ हमनो हानाय साब्रं

दायनिगिरिफोरनिनाय सोंथि खालामगासिनो दड आरो बिसायख'थिनि समाव दायनिगिरिफोरा माबाफोर गिदिर फाव फान्दायनायनि थांखि दंमोन नामा बेखो मिथिनो नाजागासिनो दड। बे हमजानाय उतखारिफोरनि हेफाजाबगिरिफोरखौ सिनायथि होबाय। यासिन भत, शेराज अहम्मद राठर आरो गुलाम हासन खान्डेआ लक्षनबल जाफरान कलनी पन्त्यसकनि

थागिरि आरो इमटियास अहम्मद भतआ फ्रेस्टाबल पन्त्यनि थागिरि। बे बिथिडव पुलिस थाना नौगामाव धारा 18, 23, 39 इउएपिए, 7/25 आम्स एक्ट रेजिस्टार खालामनाय जादों आरो आइपिसिनि 120 बिनि सिडाव एफआइआर नं 31/2024 रेजिस्टार खालामनाय जादों आरो बेनि सायाव नायबजिस्तानाया सोलिगासिनो दड।

## भवानिपुरआव पान्वालि थियेटार हान्जानि मावखुलि बेखेवदों

भवानिपुर, 24 मार्च: भवानिपुरआव सबिस्जन मेथिनि दिहुन्नायाव गोदानै जोनोम मोन्नाय 'पान्वालि थियेटार हान्जा'नि गाहाइ मावखुलिखौ दिनै बेखेवनाय जायो। मोनसे गोथार हाबाफारिनि गेजेरजों बे मावखुलिखौ बेखेवनाय होयो बरपेटा जिल्ला साहित्य सभानि आफादगिरि गिरिधर चौधुरिआ। लोगोसे आलारि बाथि फोजोडे आसाम जातियताबादि लाइमोन फरायसा आफादनि बजालि जिल्ला आफादनि बोसोनगिरि बिजन बायनआ। बेनि उनाव भवानिपुरनि लाइमोन समाज सिबियारि दिपांकर दासआ दैदेन्नाय बेखेवनाय हाबाफारियाव मावखुलिनि दरखेखौ बेखेवगिरि गिरिधर चौधुरि, आलारि



बाथि फोजोगिरि बिजन बायनआ थियेटार हासिमुनि सायाव बिबुथि होनायजों लोगोसे पान्वालि थियेटार हान्जानि दिहुनगिरि सबिस्जन मेथि, थियेटार हान्जानि नेहाथारि रूपक तालुकदारआ थियेटार हान्जाया फेगौ समनि हाबाफारिनि सोमोन्दै गुवारै

फोरमायथिनानै होयो। मेलाव गागि फावगिरि चन्द्र तालुकदारआ आलारि महरै बाहागो लायो। मख'नो गोंनादि, सोलिफु 2024-25 बोसोरव दाब-दाब जायगायाव पान्वालि थियेटार हान्जाया नायजाव दिन्थिफुंनो होन्नानै नेहाथारि रूपक तालुकदारआ फोरमायो।